



# UKUPHILISA ISIZWE. IMIBHALO KUPHELA

IMIBHALO ITHETHWE KUGWALO, " UKUPHILISWA ISIZWE"  
ELALOTSHWA NGU LINDA GOBODO

---

## Usuku 1

### **Ithemba: Hoseya 2:15**

15.Lapho-ke ngizambuyisela izivini zakhe, ngenze iSigodi sase-Akhoru sibe ngumnyango wethemba. Khonapho uzahlabelela njengasezinsukwini zobutsha bakhe, njengamhla ephuma eGibhithe.

### **Ukuphilisa: Malaki 4:2**

2.Kodwa lina elilesabayo ibizo lami, ilanga lokulunga lizaphuma lilokusiliswa emaphikweni alo. Njalo lizaphuma liqolotshe njengamathole esibaya

### **Ukubuyiselwa: Hezekeli 36:25-28**

25.Ngizakuchela ngamanzi ahlanzekileyo, uzahlambuluka; ngizakuhlambulula kukho konke ukungcola kwakho kanye lakuzo zonke izithombe zakho. Ngizakunika inhliziyo entsha ngifake lomoya omutsha phakathi kwakho; ngizasusa kuwe inhliziyo yakho yelitshe ngikunike inhliziyo yenyama. Njalo ngizafaka uMoya wami phakathi kwakho ngikwenze ulandele izimiso zami njalo unanzelele ukugcina imithetho yami. Lizahlala elizweni engalinika okhokho benu; lizakuba ngabantu bami, mina ngizakuba nguNkulunkulu wenu.

## Usuku 2

### **Ithemba: Amahubo 126:1-3**

1.Kwathi lapho uJehova ebuyisa izithunjwa eZiyoni, sasinjengabantu abaphuphayo. Imilomo yethu yayigcwele uhleko, lezindimi zethu zicula izingoma zentokozo. Basebesithi abezizwe, “UJehova ubenzele izinto ezimangalisayo.” UJehova usenzele izinto ezimangalisayo, ngakho siyathokoza kakhulu.

### **Ukuphiliswa Luka 10:8-9**

8.“Nxa lifika edolobheni lamukelwe khona, dlanini lokho elikuphiwayo. Silisani abagulayo abayabe belapho, njalo libatshela lithi, ‘Umbuso kaNkulunkulu useduze

### **Ukubuyiselwa Ujobe 22:27-30**

27.Uzakhuleka kuye, yena akuzwe, ugcwalise izifungo zakho. Lokho okumisileyo kuzakwenziwa, lokukhanya kuzazibaneka izindlela zakho. Nxa abantu behlisiwe ubususithi, ‘Baphakamiseni!’ lapho-ke uzabasiza abahlulukelweyo. Uzabasiza lalabo abonayo, abazakhululwa ngenxa yokuhlazeka kwezandla zakho.”

## Usuku 3

### **Ithemba Izililo 3:26**

26.kuhle ukulinda ngokuthula, ukulindela insindiso kaJehova.

### **Ukuphiliswa UJeremiya 32:27**

27 “Mina nginguJehova, uNkulunkulu woluntu lonke. Kambe kulento engehlulayo na?

### **Ukubuyiselwa URuthe 4:15**

15:Uzakwenza impilo yakho ibentsha akulonde ebudaleni bakho. Ngoba umalokazana wakho, yena okuthandayo njalo ongcono kulamadodana ayisikhombisa, usemuphe inzalo.”

## Usuku 4

### **Ithemba KwabaseRoma 12:12**

12Thokozani ekwethembeni, libekezele ekuhlukuluzweni, libambebele ekukhulekeni.

### **Ukuphiliswa Jeremiya 17:14**

14.Ngisilisa, Jehova, njalo ngizasiliswa; ungikhulule, ngizakhululeka, ngoba nguwe engimdumisayo.

### **Ukubuyiselwa Johane 14:13-14**

13.Njalo ngizakwenza noma yini eliyicelayo ngebizo lami, ukuze iNdodana ilethe inkazimulo kuBaba. Uma lingithanda lizakwenza lokho engiliyala khona.

## Usuku 5

### **Ithemba KwabaseRoma 15:13**

13.Sengathi uNkulunkulu wethemba angaligcwalisa ngentokozo enkulu langokuthula ekumethembeni kwenu, ukuze libe lethemba elikhaphakayo ngamandla kaMoya oNgcwele.

### **Ukuphiliswa Jakhobe5:16**

16.Ngakho-ke vumani izono zenu omunye komunye njalo likhulekelane ukuze lisiliswe. Umkhuleko womuntu olungileyo ulamandla njalo uyasebenza.

## Ukubuyiselwa Jeremiya 33:9

9.Ngakho idolobho leli lizangilethela indumela ukuthokoza, lokubongwa kanye lodumo phambi kwezizwe zonke emhlabeni ezizwa ngezinto zonke ezinhle engizenzela lona; njalo zizakwesaba ziqhaqhazele ngenxa yokuphumelela okukhulu lokuthula engizakuletha

## Usuku 6

### Ithemba Jeremiya 29:11

11.Ngoba ngiyawazi amacebo engilawo ngani,” kutsho uJehova, “amacebo okuliphumelelisa hatshi ukulilimaza, amacebo okulinika ithemba kanye lesikhathi esizayo.

### Ukuphiliswa 1 Phetro 2:24

24.Yena ngokwakhe wathwala izono zethu emzimbeni wakhe esiphambanweni ukuze siphophe ezonweni njalo siphilele ukulunga; lisilisiwe ngamanxeba akhe.

### Ukubuyiselwa Isaya 41:10

10.Ngakho ungesabi, ngoba ngilawe; ungakhathazeki, ngoba nginguNkulunkulu wakho. Ngizakuqinisa, ngikusize; ngizakusekela ngesandla sami sokudla esiqotho.

## Usuku 7

### Ithemba. 1 KwabaseThesalonika 2:19

19.Ngoba liyini ithemba lethu, intokozo yethu, loba umqhele esizazincoma ngawo phambi kweNkosi yethu uJesu Khristu ekufikeni kwakhe na? Akusini na?

### Ukuphiliswa Isaya 53:5

5.Kodwa wagwazwa ngenxa yeziphambeko zethu, wachobozwa ngenxa yokona kwethu, ukuhlutshwa kwakhe kwasilethela ukuthula, njalo sasiliswa ngamanxeba akhe.

### Ukubuyiselwa Jeremiya 31: 18- 19

18. “Ngikuzwile impela ukukhala kuka-Efrayimi esithi: ‘Wangitshaya njengethole elibhedayo, njalo sengajeziseka. Ngibuyisa, njalo ngizabuya, ngoba unguJehova uNkulunkulu wami. Emva kokuba ngedukile, ngaphenduka; emva kokuba sengizwisile, ngatshaya isifuba sami. Ngaba lenhloni ngadumazeka ngoba ngangilehlazo lasebutsheni bami.’

## Usuku 8

### **Ithemba UDutheronomi 31:6**

6.Qinani libe lesibindi. Lingesabi lithithibale ngenxa yabo, ngoba uJehova uNkulunkulu wenu uhamba lani, kayikulitshiya njalo kayikulifulathela.”

### **Ukuphiliswa uMathewu 8: 1-4**

1.Indoda eyayilobulephero yeza yaguqa phambi kwakhe yathi, “Nkosi uma uthanda ungangenza ngihlambuluke.” UJesu welula isandla sakhe wayithinta wathi, “Ngiyathanda, hlambuluka!” Masinyane nje yasila ebulepherweni bayo. UJesu wasesithi kuyo, “Zwana, ungatsheli muntu. Kodwa hamba uziveze kumphristi unikele ngesipho esamiswa nguMosi njengesiboniso ebantwini.”

### **Ukubuyiselwa: Dutheronomi 30: 3-5**

3.kulapho uJehova uNkulunkulu wenu ezabuyisela ukuphumelela kwenu abe lozwelo kini njalo alibuthe yena lapho alichitha khona ezizweni. Kungaze kube khatshana okunganani ngaphansi kwelanga lapho elizabe lixotshelwe khona, kusukela khonapho uJehova uNkulunkulu wenu uzalithatha libuye ekhaya. Uzalikhokhelela elizweni alinika okhokho benu, lina-ke lizalithatha libe ngelenu. Uzalenza liphumelele njalo lande ukwedlula okhokho benu.

## Usuku 9

### **Ithemba: Isaya 40:31**

31.kodwa labo abathemba uJehova bazawavuselela amandla abo. Bazaqonga ngezimpiko njengezinkozi, bazagijima kodwa bangadinwa, bazahamba kodwa bangapheli amandla.

### **Ukuphiliswa: Amahubo 103: 2-4**

2.Dumisa uJehova, O mphefumulo wami, ungaze wakhohlwa konke asiza ngakho – othethelelayo zonke izono zakho akusilise zonke izifo zakho, ohlenga impilo yakho egodini akwethese uthando lesihawu,

### **Ukubuyiselwa Johane 10:10**

10. Isela lilanda ukweba lokubulala lokubhubhisa kuphela; mina ngilande ukuze zibe lokuphila, zibe lakho ngokugcweleyo.

## Usuku 10

### **Ithemba: 1 KwabaseKorinte 13: 6-7**

6. Uthando kaluthokozeli okubi kodwa luthokozela iqiniso. Luhlezi luvikela, luhlezi lukholwa, luhlezi luthemba, luhlezi lubekezela.

### **Ukuphiliswa: Jakhobe 5:14**

14. Ukhona kini ogulayo na? Kumele abize abadala bebandla bamkhulekele njalo bamgobe ngamafutha ebizweni leNkosi.

### **Ukubuyiselwa :Jeremiya 32:14-15**

14. ‘UJehova uSomandla uNkulunkulu ka-Israyeli uthi: Thatha izincwadi lezi zesivumelwano sokuthenga enanyekiweyo lengananyekwanga uzifake embizeni yomdaka ukuze zihlale khona isikhathi eside. UJehova uSomandla uNkulunkulu ka-Israyeli uthi: Izindlu lamasimu lezivini kuzathengwa futhi kulelizwe.’

## Usuku 11

### **Ithemba: Amahubo 39:7**

7. “Kodwa okwamanje, Jehova, ngisafunani kambe? Ithemba lami likuwe.

### **Ukuphiliswa; UMathewu 9:4-8**

4. Esazi imicabango yabo uJesu wathi kubo, “Kungani licabanga izinto ezimbi ezinhliziyweni zenu na? Yikuphi okulula, ukuthi, ‘Izono zakho sezithethelelwe’ kumbe ukuthi, ‘Sukuma uhambe’? Kodwa ukuze lazi ukuthi iNdodana yoMuntu ilamandla okuthethelela izono emhlabeni...” Wasesithi kowome izitho, “Sukuma, thatha icansi lakho uhambe uye ekhaya.” Ixuku lathi likubona lokhu abantu besaba kakhulu; basebemdumisa uNkulunkulu owayenike amandla la ebantwini.

### **Ukubuyiselwa: AmaHubo 71:20-21**

20: Loba usungenze ngabona izinhlupheko ezinengi lezibuhlungu, uzangenyula njalo ekujuleni komhlabathi. Uzalwandisa udumo lwami ungiduduze futhi njalo.

## Usuku 12

### **Ithemba: uMakho 9:22-24**

22. Kuhlezi kumphosela emlilweni loba emanzini kufuna ukumbulala. Kodwa aluba kukhona ongakwenza ake usihawukele usisize.” UJesu wathi, “Uthi ‘ongakwenza?’ Yonke into iyenzakala kulowo okholwayo.” Masinyane uyise womfana wamemeza wathi, “Ngiyakholwa; ake ungisize ngehlule ukungakholwa kwami!”

### **Ukuphiliswa 3 Johane 1:2**

2: Mngane wami othandekayo, ngiyakhuleka ukuba ube lempilo enhle, kanye lokuthi konke kukuhambele kuhle njengalokhu umphefumulo wakho uphila kuhle.

### **Ukubuyiselwa zuJeremiya 30:1-3**

1. Leli yilizwi elafika kuJeremiya livela kuJehova lisithi: “UJehova, uNkulunkulu ka-Israyeli uthi, ‘Loba encwadini wonke amazwi engiwakhulume kuwe. Izinsuku ziyeza,’ kutsho uJehova, ‘lapho engizabuyisa abantu bami u-Israyeli loJuda bevela ekuthunjweni ngibabuyisele elizweni engalinika okhokho babo ukuba libe ngelabo,’ kutsho uJehova.”

## Usuku 13

### **Ithemba. Izaga 10.24**

24. Lokho akwesabayo omubi kuzamfumana; kodwa lokho akuloyisayo olungileyo uzakuphiwa.

### **Ukuphiliswa Amahubo 73:26**

26 Inyama yami lenhliziyo yami kungehluleka kodwa uNkulunkulu ungamandla enhliziyo yami, uyisabelo sami laphakade.

### **Ukubuyiselwa KwabaseFiliphi 4:19**

19. UNkulunkulu wami uzalinika konke elikuswelayo mayelana lenotho yakhe emangalisayo kuKhristu uJesu.

## Usuku 14

### **Ithemba Izaga 23:18**

18. Ngeqiniso lihle ikusasa lakho, lethemba lakho kaliyikucitshwa.

## Ukuphiliswa 147:3

3.Sengamukele umvuzo ogcweleyo lodlulisileyo; ngiphiwe okwaneleyo, njengoba khathesi sengamukele ku-Ephafroditu izipho elazithumelayo. Zingumnikelo wephunga elimnandi, umhlatshele owamukelekayo, othokozisa uNkulunkulu.

## Ukubuyiselwa Joweli 2.25-26

25.“Ngizalihlawula okwaleyo minyaka lokho okwadliwa zintethe, lesikhonyane lobuyane, ezinye izintethe kanye lemitshitshi yezintethe-ibutho lami elikhulu engalithumela kini. Lizakuba lokudla okunengi lize lisuthe, njalo lizadumisa ibizo likaJehova uNkulunkulu wenu, olenzele izimangaliso; abantu bami kabayikuphinda bayangeke futhi.

## Usuku 15

### Ithemba : KwabaseRoma 8:24-25

24.Ngokuba ngaleli ithemba sasindiswa. Kodwa ithemba elibonakalayo kalisilothemba. Ngubani othemba lokho avele eselakho na? Kodwa uma sithemba lokho esingakabi lakho, siyakulindela ngokubekezela.

### Ukuphiliswa .Mathewu 10:1

1.UJesu wabizela ndawonye abafundi bakhe abalitshumi lambili wabapha amandla okukhupha imimoya emibi lokusilisa zonke izifo lemikhuhlane.

### Ukubuyiselwa Amahubo 51:12

12. Buyisela kimi intokozo yokusindisa kwakho njalo ungiphe umoya ovumayo ukuthi ungisekele.

## Usuku 16

### Ithemba UJeremiya 17:7

7.“Kodwa ubusisiwe umuntu othemba uJehova, othemba lakhe likuye.

### Ukuphiliswa Izaga 17:22

22.Inhliziyo ethokozayo ingumuthi omuhle, kodwa umoya owephukileyo womisa amathambo.



## Ukubuyiselwa UZakariya 1:17

17. “Memezela njalo uthi: Nanku akutshoyo uJehova uSomandla, uthi: ‘Amadolobho ami azaphinda njalo aphuphume ngenotho, njalo uJehova uzaphinda ayiduduze iZiyoni, ayikhethe iJerusalema.’”

## Usuku 17

### Ithemba. Izaga 10:28

28. Ikusasa labalungileyo liyikuthokoza, kodwa amathemba ababi aphelela ezeni.

### Ukuphiliswa Mathewu 10:28

28. Lingabesabi labo ababulala umzimba kodwa bengeke babulale umphefumulo. Kodwa yesabani lowo ongabhubhisa kokubili umphefumulo lomzimba esihogweni.

### Ukubuyiselwa Imisebenzi 3: 19-21

19. Yikho, phendukani, libuyele kuNkulunkulu, ukuze izono zenu zesulwe, ukuze kufike izikhathi zokuhlambulula okuvela eNkosini, njalo ukuthi ithumele uKhristu omiselwe linayena uJesu. Umele ahlale ezulwini kuze kufike isikhathi lapho uNkulunkulu azaqondisa konke ngaso, njengokuthembisa kwakhe kudala ngabaphrofethi bakhe abangcwele.

## Usuku 18

### Ithemba Amahubo 71: 14

14 Kodwa mina ngizahlala ngithembile; ngizakudumisa kakhulu kakhulu.

### Ukuphiliswa UDuteronomi 7:15

15. UJehova uzaliphephisa emikhuhlaneni yonke. Kayikulehlisela imikhuhlane yonke eyesabekayo elaliyibona eGibhithe, kodwa uzayehlisela kulabo abalizodayo.

### Ukubuyiselwa UJobe 42:10

10. UJobe esebakhulekele abangane bakhe, uJehova wamenza waphumelela njalo wamupha okunengi okuphindwe kabili kwalokho ayelakho kuqala.

## Usuku 19

### **Ithemba Izaga 13:12**

12. UJobe esebakhulekele abangane bakhe, uJehova wamenza waphumelela njalo wamupha okunengi okuphindwe kabili kwalokho ayelakho kuqala.

### **Ukuphiliswa UJeremiya 30:17**

17. Kodwa ngizakusilisa ngipholise lamanxeba akho,' kutsho uJehova, 'ngoba kuthiwa ungolahlweyo, iZiyoni okungekho olendaba lalo.'

### **Ukubuyiselwa 1 Johane 5:4**

4. ngoba umuntu wonke ozelwe nguNkulunkulu uwunqobile umhlaba. Lokhu yikunqoba okwehlule umhlaba, okuyikukholwa kwethu.

## Usuku 20

### **Ithemba kumaHebheru 11.1**

1. Ukukholwa yikuba leqiniso lalokhu esikulindeleyo njalo kuqinisekile ngalokho esingakuboniyo.

### **Ukupiliswa Imisebenzi 4:30**

30. Yelula isandla sakho ukusilisa lokwenza imimangaliso, lezinkinga ngebizo lenceku yakho engcwele uJesu.”

### **Ukubuyiselwa UMakho 11:24**

24. Ngakho ngiyalitshela ukuthi loba kuyini elikucelayo ngomthandazo, kholwani ukuthi selikwamukele, sekuzakuba ngokwenu.

## Usuku 21

### **Ithemba 1 Phetro 3:15**

15. Kodwa yamukelani uKhristu ezinhliziyweni zenu njengeNkosi engcwele. Hlalani lilungele ukuphendula loba ngubani olibuza isizatho ngethemba elilalo.

## Ukuphiliswa UJeremiya 33:6

6. “Kodwa, ngizaletha ukuphila lokusiliswa kulo: Abantu bami ngizabasilisa ngibenze bajabulele ukuthula okukhulu kanye lokuvikeleka.

## Ukubuyiselwa ISambulo 21:1-5

1. Ngabuya ngabona izulu elitsha lomhlaba omutsha, ngoba izulu lakuqala lomhlaba wakuqala kwasekudlule, njalo ulwandle lwalungasekho. Ngabona iDolobho eliNgcwele, iJerusalema elitsha, lisehlela phansi liphuma ezulwini kuNkulunkulu lilungiswe njengomlobokazi ececele umkakhe. Ngezwa ilizwi elikhulu livela esihlalweni sobukhosi lisithi, “Khathesi ikhaya likaNkulunkulu selisebantwini, uzahlala labo. Bazakuba ngabantu bakhe, njalo uNkulunkulu yena uqobo uzakuba labo abe nguNkulunkulu wabo. Uzazesula zonke izinyembezi emehlweni abo. Akusayikuba khona futhi ukufa loba ukulila loba ukukhala loba ubuhlungu, ngoba umumo omdala wezinto usudlule.” Lowo owayehlezi esihlalweni sobukhosi wathi, “Ngenza izinto zonke zibe zintsha!” Wabuya wathi, “Kulobe lokhu, ngoba amazwi la aqotho njalo aliqiniso.”

## Usuku 22

### Ithemba AmaHebheru 11:10-11

11. Ngoba wayelindele idolobho elilezisekelo, elimcandi walo lomakhi walo nguNkulunkulu. Ngokukholwa, lanxa u-Abhrahama wayeseluphele – loSara eyinyumba – wanikwa amandla okuba lomntwana ngoba wambona njengothembekileyo lowo owayenze isithembiso.

### Ukuphiliswa Izaga 4:20-22

20. Ndodana yami, zwana lokhu engikutshoyo; lalelisisa amazwi ami. Ungawasusi emehlweni akho, agcine enhliziyweni yakho; ngokuba ayikuphila kulabo abawafumanayo; lokuqina komzimba wonke womuntu.

### Ukubuyiselwa 1 Phetro 5:10

10. Njalo uNkulunkulu womusa wonke, yena owalibizela enkazimulweni yakhe kuKhristu, emva kokuba lihlupheke okwesikhatshana, yena uqobo uzalivuselela alenze libe lamandla, liqine njalo lithembeke.

## Usuku 23

### **Ithemba UJobe 14: 7-9**

7. “Kungaba lethemba ngesihlahla; singaganyulwa siyahluma njalo, amahlumela aso kawayikwahluleka ukukhula. Izimpande zaso zingaguga phansi emhlabathini lesiphunzi saso sife emhlabathini, kodwa singezwa amanzi siyahluma sikhuphe izingatsha njengesihlahla esitsha.

### **Ukuphiliswa KwabaseFiliphi 4: 6-7**

6. Lingakhathazeki ngalutho, kodwa ezintweni zonke, ngokukhuleka langokuncenga, ngokubonga, bekani izicelo zenu kuNkulunkulu. Ukuthula kukaNkulunkulu okudlula ukuqedisisa konke, kuzalinda izinhliziyi zenu lezingqondo zenu kuKhristu uJesu.

### **Ukubuyiselwa UZakariya 9:12**

12. Buyelani enqabeni yenu, lina zibotshwa ezilethemba; sengihle ngibika ukuthi ngizalibuyisela izibusiso ngokuphindwe kabili.

## Usuku 24

### **Ithemba Amahubo 71:5-6**

5. Ngoba ube ulithemba lami, O Jehova Wobukhosi, engikuthembileyo kwasebutsheni bami. Kusukela ekuzalweni kwami ngahle ngeyama kuwe; nguwe owangikhuphayo esiswini sikamama. Ngizakudumisa njalonjalo.

### **Ukuphiliswa Isaya 58:8**

8. Lapho-ke ukukhanya kwakho kuzavela njengokusa, lokusila kwakho kuzabonakala masinyane, kuthi ukulunga kwakho kuhambe phambi kwakho, inkazimulo kaJehova izakuba yisivikelo ngemuva kwakho.

### **Ukubuyiselwa Isaya 42: 1-4**

4. “Nansi inceku yami engiyisekelayo, okhethiweyo wami, engithokoza ngaye. Ngizabeka umoya wami phezu kwakhe, uzaletha ukulunga ezizweni. Kayikumemeza kumbe aklabalale, loba aphakamise ilizwi lakhe emigwaqweni. Umhlanga ohluzukileyo akayikuwuquma, lentambo yesibane etsha kancane akayikuyicima. Ngokwethembeka uzaletha ukulunga; akayikudinwa kumbe ephulwe inhliziyi aze alethe ukulunga emhlabeni. Izihlenge zizakwethemba umthetho wakhe.”

## Usuku 25

### Ithemba. Amahubo 43:5

5. Kungani wephukile, hawu mphefumulo wami? Kungani udungekile kanje ngaphakathi kwami? Beka ithemba lakho kuNkulunkulu, ngokuba ngisezakumdumisa, uMsindisi wami loNkulunkulu wami.

### Ukuphiliswa UHoseya 6:1

1. “Wozani sibuyele kuJehova. Usesidabule saba yizicucu kodwa uzaselapha; usilimazile kodwa uzawabopha amanxeba ethu.

### Ukubuyiselwa 2 Samuyeli 9:7-9

7. UDavida wathi kuye, “Ungesabi, ngoba impela ngizakutshengisa umusa ngenxa kayihlo uJonathani. Ngizawubuyisela kuwe wonke umhlaba owawungokayihlomkhulu uSawuli, njalo wena uzakudla etafuleni lami kokuphela.” UMefibhoshethi wakhothama wathi, “Inceku yakho iyini na, ukuba unakeinja efileyo njengami nje?” UDavida wabiza uZiba, inceku kaSawuli, wathi kuye, “Indodana yendodana yenkosi yakho sengiyinike konke okwakungokukaSawuli labendlu yakhe.

## Usuku 26

### Ithemba Ulsaya 54:17

17. akulasikhali esikhandelwe wena esizaphumelela, njalo bonke abakumangalelayo uzabehlula. Leli yilifa lezinceku zikaJehova, lokhu yikho ukwenaniswa kwazo yimi,” kutsho uJehova.

### Ukuphiliswa Isambulo 22:2

2. esehla ephakathi komgwaqo omkhulu wedolobho. Eceleni ngalinye lomfula kwakulesihlahla sokuphila, sithela izithelo ezilithumi lambili, sithela izithelo zaso nyanga zonke. Amahlamvu esihlahla leso ngawokwelapha izizwe.

### Ukubuyiselwa UJohane 14: 2-3

2. Emzini kaBaba kulezindlu ezinengi; aluba kungenjalo ngabe ngalithshela. Ngiya khona ukuyalilungisela indawo. Njalo nxa sengiyile ukulilungisela indawo ngizabuya ngizolithatha ukuthi libe lami, ukuze lani libe khona lapho engikhona.

## Usuku 27

### Ithemba Amahubo 119: 147

147. Ngivuka emathathakusa ngikhale kuwe ngicela usizo; sengibeke ithemba lami elizwini lakho.

### **Ukuphiliswa UMakho 2:17**

17. Wathi ekuzwa lokho uJesu wathi kubo, “Kakusibo abaphilayo abaswela inyanga, kodwa ngabagulayo. Kangilandanga ukuzabiza abalungileyo, kodwa

### **Ukubuyiselwa KwabaseGalathiya 6:1**

1. Bazalwane, uma umuntu ehilelwe yisono esithile lina abomoya kumele limbuyise kakuhle. Kodwa lizinanzelele; lani futhi lingalingwa.

## Usuku 28

### **Ithemba UJeremiya 31:13**

13. Izintombi zizagida njalo futhi zithabe, enzenjalo amajaha labadala. Ngizaguqula ukukhala kwabo kube yikuthaba; ngizabapha induduzo lentokozo esikhundleni sosizi.

### **Ukuphiliswa Izaga 3: 5-8**

5. Themba kuJehova ngenhliziyo yakho yonke, ungathembi okwakho ukuzwisisa; mvume kuzo zonke izindlela zakho, yena uzaqondisa zonke izindlela zakho. Ungazenzi ohlakaniphileyo ngokubona kwakho; yesaba uJehova uxwaye okubi. Lokho kuzawuphilisa umzimba wakho kuwaqinise lamathambo akho.

### **Ukubuyiselwa Mathewu 6: 33**

33. Kodwa funani kuqala umbuso wakhe lokulunga kwakhe, kuzakuthi-ke zonke lezizinto liziphiwe lazo.

## Usuku 29

### **Ithemba 2 KwabaseKorinte 3:12**

12. Ngakho, njengoba silethemba elinje, silesibindi.

### **Ukuphiliswa Amahubo 6:2**

2. Woba lomusa kimi, Jehova, ngokuba ngiphela amandla; O Jehova, ngisilisa, ngoba amathambo ami alobuhlungu.

## Ukubuyiselwa UJoweli 2: 22-24

22. Lingesabi, lina zinyamazana zeganga, ngoba amadlelo asesiba luhlaza. Izihlahla sezithela izithelo zazo; imikhiwa lemivini kuthela kakhulu. Thabani, lina bantu baseZiyoni, thokozani kuJehova uNkulunkulu wenu ngoba ulinike izulu lekwindla ngokulunga. Ulilethela izulu elinengi kanye lezulu lekwindla lelentwasa, njengakuqala. Iziza zizagcwala amabele; izikhamelo zizaphuphuma iwayini lamafutha.

## Usuku 30

### Ithemba Amahubo 31: 24

24. Qinani lime isibindi, lonke lina elithemba uJehova.

### Ukuphiliswa Izaga 16:24

24. Amazwi amahle alikhekheba loluju, amnandi emphefumulweni njalo ayelapha emathanjeni.

### Ukubuyiselwa 2 KwabaseKorinte 5:17

17. Ngakho uma umuntu ekuKhristu, uyisidalwa esitsha; okudala akusekho, sekufike okutsha.

## Usuku 31

### Ithemba Isililo 3:24

24. Ngiyazitshela ngithi, “UJehova uyisabelo sami; ngakho ngizalindela yena.”

### Ukuphiliswa Imisebenzi 19:11-12

11. UNkulunkulu wenza imimangaliso engajayelekanga ngoPhawuli. Izifinyo lamathawulo okwakuthintiswe yena kwakusiwa kwabagulayo bahle basile emikhuhlaneni yabo lemimoya emibi iphume kubo.

### Ukubuyiselwa Amahubo 23:1-3

1. UJehova ungumalusi wami, angiyikuswela. Uyangilalisa emadlweni aluhlaza, ungikhokhelela emanzini apholileyo, uvuselela umphefumulo wami. Uyangihola ezindleleni zokulunga ngenxa yebizo lakhe.

## Usuku 32

### **Ithemba Amahubo 33:18**

18. Kodwa amehlo kaJehova akulabo abamesabayo, kulabo othemba labo lisethandweni lwakhe olungapheliyo,

### **Ukuphiliswa Isaya 57:18**

18. Izindlela zakhe sengizibonile, kodwa ngizamsilisa. Ngizamkhokhela, ngimduduze futhi,

### **Ukubuyiselwa UJoshuwa 1:9**

9. Angikulayanga na? Qina ube lesibindi ungethuki njalo ungalahli ithemba, ngoba uJehova uNkulunkulu wakho uzakuba lawe loba kungaphi lapho oya khona”

## Usuku 33

### **Ithemba 1 Johane 3:3**

3. Wonke umuntu othemba leli ngaphakathi kwakhe uyazihlambulula, njengaye ohlambulukileyo.

### **Ukuphiliswa Amanani 12:13**

13. Ngakho uMosi wakhala kuJehova wathi, “Nkulunkulu, ngiyakucela, msilise.”

### **Ukubuyiselwa 2 Samuyeli 14:14**

14. Njengamanzi achithekele phansi, angeke abuthwe, kanjalo kumele sife. Kodwa uNkulunkulu kakususi ukuphila, esikhundleni salokho yena uceba izindlela zokuthi umuntu oxotshiweyo angehlukaniswa laye kokuphela.

## Usuku 34

### **Ithemba UJobe 11:18**

18. Uzavikeleka, ngoba ithemba likhona; uzathalaza langaphi kwakho uzuze ukuphumula uvikelekile.

### **Ukuphiliswa Mathewu 11:28**

28. “Wozani kimi lina lonke elikhatheleyo lelisindwayo, ngizaliphumuza.



## Ukubuyiselwa 2Imilando 30:9

9. Nxa libuyela kuJehova, abafowenu labantwabenu bazafumana umusa kulabo ababathumbayo, babuye kulelizwe, ngoba uJehova uNkulunkulu wenu ulomusa lesihawu. Kayikulifulathela nxa libuyela kuye.”

## Usuku 35

### Ithemba Amahubo 10:17

17. Uyazizwa, O Jehova, izizindlo zabacindezelweyo; uyabaqinisa, uyalalela ukukhala kwabo,

### Ukuphiliswa 2KwabaseKorinte 12:9

9. Kodwa yathi kimi, “Umusa wami ukwanele, ngoba amandla ami apheleliswa ebuthakathakeni.” Ngakho ngizazincoma kakhulu-ke ngokuthokoza ngobuthakathaka bami, ukuze amandla kaKhristu ahlale phezu kwami.

### Ukubuyiselwa Amahubo 51:7-8

7. Ngihlanza ngehisophi ngihlambuluke; Ngigezisa ngibemhlophe kuleliqhwa. Mangizwe intokozo lokuthaba; makuthi amathambo owacobozileyo ajabule.

## Usuku 36

### Ithemba Amahubo 9:18

18. Kodwa abaswelayo kabayikukhohlakala kokuphela, njalo lethemba labahlukuluzwayo kaliyikutshabalala.

### Ukuphiliswa Isaya 38: 16-17

17. Jehova, abantu baphila ngezinto ezinje; lomoya wami uthola ukuphila kuzo. Wangibuyisela empilweni wangenza ngaphila. Ngeqiniso kwaba lusizo kimi ukuzwa ubuhlungu obungaka. Ngothando lwakho wangivikela emgodini wokutshabalaliswa; izono zami zonke uzibeke ngemuva kwakho.

### Ukubuyiselwa Johane 5:24

24. “Ngiqinisile ngithi lowo owezwayo amazwi ami amkholwe lowo ongithumileyo ulokuphila okungapheliyo njalo kazukulahlwa; usechaphile wasuka ekufeni waya ekuphileni.

## Usuku 37

### **Ithemba Amahubo 78:7**

7. Yikho-ke bazabeka ithemba labo kuNkulunkulu njalo abasoze bakhohlwa izenzo zakhe kodwa bagcine imilayo yakhe.

### **Ukuphiliswa Amahubo 146:8**

8. UJehova wenza iziphofu zibone, uJehova uyabaphakamisa labo asebebhazalele, uJehova uthanda abalungileyo.

### **Ukubuyiselwa UJeremiya 29:12-14**

12. Ngaleso sikhathi lizangibiza lizekhuleka kimi, njalo ngizalizwa. Lizangidinga lingifumane uma lingidinga ngenhliziyo yenu .Lizangifumana,” kutsho uJehova, “njalo ngizalibuyisa livela ekuthunjweni. Ngizaliquqa ezizweni zonke lasezindaweni zonke engalixotshela kuzo,” kutsho uJehova, “njalo ngilibuyise endaweni engalithatha kuyo ngilisa ekuthunjweni.”

## Usuku 38

### **Ithemba Amahubo 38 :15**

15. Ngikulindele, O Jehova; uzaphendula, O Nkosi Nkulunkulu wami.

### **Ukuphiliswa Lukha 4:18**

18. “UMoya weNkosi uphezu kwami, ngokuba ingigcobile ukutshumayela izindaba ezinhle kubayanga. Ingithumile ukumemezela ukukhululwa kwezibotshwa lokusiliswa kweziphofu zibone, ukukhululwa kwabacindezelweyo,

### **Ukubuyiselwa 2 Samuyeli 19:14-18**

14. Wazuza ukusekelwa ngabantu bonke bakoJuda kwangathi babengumuntu munye. Bathumela ilizwi enkosini besithi, “Buya, wena kanye labantu bakho bonke.” Ngakho inkosi yabuyela yahamba yaze yayafika eJodani. Ngalesosikhathi abantu bakoJuda basebefikile eGiligali ukuze baphume bayehlangabeza inkosi bayilethe ngaphetsheya kweJodani. UShimeyi indodana kaGera, umBhenjamini waseBhahurimi, wehla ngokuphangisa labantu bakoJuda ukuyahlangabeza inkosi uDavida. WayelamaBhenjamini ayinkulungwane, kanye loZiba, isikhonzi sabendlu kaSawuli, lamadodana akhe alitshumi lanhlanu kanye lezinceku ezingamatshumi amabili. Baphangisa ukuya eJodani lapho inkosi eyayikhona. Bachapha ezibukweni ukuze bahambise abendlu yenkosi ngaphetsheya lokwenza loba kuyini ekufunayo.

UShimeyi indodana kaGera esechaphe iJodani, waziwisela phansi wathi jambalala phambi kwenkosi

## Usuku 39

### **Ithemba Izaga 3:3-4**

3. Akungasuki kuwe loba nini uthando lokuthembeka; kubophele entanyeni yakho, ukubhale egwalibeni lenhliziyo yakho. Ngalokho uzathandeka uzuze igama elihle emehlweni kaNkulunkulu laphambi kwabantu.

### **Ukuphiliswa UJohane 11:4**

4. UJesu esekuzwile lokhu wathi, “Ukugula lokhu kakuzukucina ngokufa. Hatshi, kungokodumo lukaNkulunkulu, ukuze iNdodana kaNkulunkulu idunyiswe ngakho.”

### **Ukubuyiselwa Amahubo 51:10-11**

10. Dala phakathi kwami inhliziyo ehlanzekileyo, uvuselele ngaphakathi kwami umoya othembekileyo. Ungangilahli ebusweni bakho kumbe ususe kimi uMoya oNgcwele.

## Usuku 40

### **Ithemba Amahubo 130:5**

5. Ngiyamlindela uJehova, umphefumulo wami uyalinda, ngibeka ithemba lami elizwini lakho.

### **Ukuphiliswa UJohane 9:24-25**

24. Indoda eyayiyisiphofu baphinde bayibiza okwesibili bathi, “Nika udumo kuNkulunkulu. Siyakwazi ukuthi umuntu lo uyisoni.” Yaphendula yathi, “Ukuthi uyisoni kumbe hatshi kangikwazi. Mina kunye engikwaziyo. Ngangiyisiphofu kodwa manje sengibona!”

### **Ukubuyiselwa Hezekheli 37:1-5**

1. Isandla sikaJehova sasiphezu kwami, njalo wangikhuphela phandle ngoMoya kaJehova wangibeka phakathi kwesigodi; sasigcwele amathambo. Wangisa emuva laphambili phakathi kwawo, njalo ngabona amathambo amanengi kakhulu phansi esigodini, amathambo ayome kakhulu. Wangibuza wathi, “Ndodana yomuntu, kambe amathambo la angaphila na?” Mina ngathi, “Awu Jehova Wobukhosi, wena kuphela nguwe owaziyo.” Wasesithi kimi, “Phrofetha emathanjeni la uthi kuwo, ‘Mathambo omileyo, zwanini ilizwi likaJehova! Nanku okutshiwo nguJehova

Wobukhosi kula amathambo: Ngizakwenza umoya ungene phakathi kwenu, njalo lizakuba lokuphila.

## Usuku 41

### **Ithemba 2 KwabaseKorinte 4:18**

18. Ngakho amehlo ethu kasiwakhangelisanga kokubonakalayo, kodwa kokungabonakaliyo. Ngoba okubonakalayo kuyedlula, kodwa okungabonakaliyo kakuyikuphela.

### **Ukuphiliswa Jeremiya 3:22**

22. “Phendukani, bantu abangathembekanga; ngizalelapha ukungathembeki kwenu.” “Yebo, sizakuza kuwe, ngoba unguJehova uNkulunkulu wethu.

### **Ukubuyiselwa Ulsaya 49:6**

6. uthi: “Kuyinto encane kakhulu kuwe ukuba yinceku yami ukuze uvuselele izizwe zikaJakhobe ubuyise labako-Israyeli engibalondolozileyo. Njalo ngizakwenza ube yikukhanya kwabeZizwe, ukuze ufikise usindiso lwami emikhawulweni yomhlaba.”

## Usuku 42

### **Ithemba Amahubo 33:22**

22. Sengathi uthando lwakho olungaphuthiyo, Jehova, lungaba phezu kwethu njengalokhu sibeka ithemba lethu kuwe.

### **Ukuphiliswa Mathewu 8:5-7**

5. Yathi, “Nkosi, inceku yami ilele phansi yomile umhlubulo, isebuhlungwini obukhulu.” UJesu wathi kuyo, “Ngizakuza ngizeyisilisa.”

### **Ukubuyiselwa UDutheronomi 30:6-10**

6. UJehova uNkulunkulu wenu uzasoka izinhliziyu zenu kanye lezinhliziyu zezizukulwana zenu, ukuze limthande ngezinhliziyu zenu zonke langomoya wenu wonke, liphile. UJehova uNkulunkulu wenu uzakwehlisela zonke leziziqalekiso phezu kwezitha zenu ezilizondayo lezilihlukuluzayo. Lizaphinda njalo liyilalele iNkosi yenu njalo liyilandele imilayo yayo engilinika yona lamuhla. Ngakho uJehova uNkulunkulu wenu uzaliphumelelisa kakhulu kuyo yonke imisebenzi yezandla zenu njalo alibusise ngenzalo langamazinyane ezifuyo zenu lamabele amasimu enu. UJehova uzathokoza ngani njalo aliphumelelise, njengoba wathokoza ngabokhokho benu, nxa lizalalela uJehova uNkulunkulu wenu ligcine imilayo lezimiso lezo ezabhalwa kule iNcwadi

yoMthetho liphendukele kuJehova uNkulunkulu wenu ngenhliziyo yenu yonke langomphefumulo wenu wonke.

## Usuku 43

### **Ithemba Makho 11:22-24**

22. UJesu waphendula wathi, “Woba lokholo kuNkulunkulu. Ngilitshela iqiniso ukuthi nxa omunye esithi entabeni le, ‘Suka, ziphosele olwandle,’ engelakuthandabuza enhliziyweni yakhe, kodwa ekholwa ukuthi lokho akutshoyo kuzakwenzakala, kuzakwenziwa kuye. Ngakho ngiyalitshela ukuthi loba kuyini elikucelayo ngomthandazo, kholwani ukuthi selikwamukele, sekuzakuba ngokwenu.

### **Ukuphiliswa 2 Imilando 32:24**

24. Ngalezozinsuku uHezekhiya wagula waphosa wafa. Wakhuleka kuJehova, waphendula ngokumnika ummangaliso.

### **Ukubuyiselwa UHosiya 6:2-3**

2. Emva kwezinsuku ezimbili uzasivuselela; ngosuku lwesithathu uzasibuyisela ukuze sihlale lapho akhona. Kasimamukeleni uJehova; kasiqiniseni ukumamukela. Ngoqotho njengoba ilanga liphuma, uzabonakala; uzakuza kithi njengezulu lebusika, lanjengezulu lentwasa elithambisa umhlaba.”

## Usuku 44.

### **Ithemba 2 Thimothi 1:7**

7. Ngoba uNkulunkulu kasiphanga umoya wobugwala, kodwa umoya wamandla, lowothando kanye lowokuzithiba.

### **Ukuphiliswa Amahubo 41:4**

4. Ngathi, “O Jehova ake ungihawukele; ngisilisa, ngoba ngonile kuwe.”

### **Ukubuyiselwa Izaga 6:30-31**

30. Abantu kabalithuki isela nxa lintshontsha ngoba lifuqwa liphango. Kodwa lingabanjwa lihlawuliswa kasikhombisa, loba kulithathela yonke impahla yendlu yalo.

## Usuku 45

### **Ithemba KwabaseRoma 15:4**

4. Ngoba konke okwalotshwa kudala kwalotshelwa ukusifundisa, ukuze kuthi ngokubekezela langokukhuthazwa yimibhalo sibe lethemba.

### **Ukuphiliswa Izaga 12:18**

18. Ngoba konke okwalotshwa kudala kwalotshelwa ukusifundisa, ukuze kuthi ngokubekezela langokukhuthazwa yimibhalo sibe lethemba.

### **Ukubuyiselwa UNahume 2:2**

2. UJehova uzabuyisela ubuhle bukaJakhobe njengobuhle buka-Israyeli, lanxa abachithi bebaqothule batshabalalisa lezivini

## Usuku 46

### **Ithemba Imisebenzi 24: 15**

15. njalo ngilalona lelothemba kuNkulunkulu alalo lamadoda, ukuthi kuzakuba lokuvuka kwabafuleyo, abalungileyo lababi.

### **Ukuphiliswa Mathewu 4:23**

23. UJesu wahamba kulo lonke iGalile efundisa emasinagogeni abo, etshumayela izindaba ezinhle ezombuso, esilisa zonke izifo lemikhuhlane ebantwini.

### **Ukubuyiselwa UHezekheli 20:40-41**

40. Ngoba entabeni yami engcwele, intaba ephakemeyo yako-Israyeli, kutsho uJehova Wobukhosi, khonapho phakathi kwelizwe, yonke indlu ka-Israyeli izangikhonza, njalo khonapho ngizabamukela. Khonapho ngizafuna iminikelo yenu lezipho zenu zekhethelo ndawonye lemihlatshelo yenu yonke engcwele. Ngizalamukela njengempepha elephunga elimnandi lapho sengilikhupha ezizweni njalo sengiliqoqa emazweni elalihlakazelwe kuwo, njalo ngizazibonakalisa ngingongcwele phakathi kwenu phambi kwezizwe.

## Usuku 47

### **Ithemba 2 KwabaseKhorinte 4:8-9**

8. Sicindezelwe kalukhuni emaceleni wonke, kodwa kasichobozwanga; sididekile, kodwa kasilahlanga ithemba; siyahhlukuluzwa, kodwa kasidelwanga; sitshayelwa phansi, kodwa kasibhujiswanga.

### **Ukuphiliswa Makho 6:56**

56. Loba wayengaze aye ngaphi – emizini, emadolobheni loba emaphandleni – babeka abagulayo ezindaweni zokuthengisela. Bamncenga ukuthi abavumele bathinte nje umphetho wesigqoko sakhe, kwathi bonke labo abamthintayo basila.

### **Ukubuyiselwa Lukha 16:19-23**

19. “Kwakulendoda enothileyo eyayigqoka izigqoko zombala oyibubende lezelembu lelineni iphakathi kobutifitifi izinsuku zonke. Entubeni yomuzi wayo kwakuhlezi isiceli esasithiwa nguLazaro, ethe minci ngezilonda emzimbeni “Kwafika isikhathi isiceli safa, izingilosi zasithwala zasisa eceleni lika-Abhrahama. Lesicebi laso safa sambelwa. Sasisesihogweni lapho esasitshwatshwama khona; sakhangelana ngaphaya sabona u-Abhrahama ekude le, kuloLazaro eceleni kwakhe.

## Usuku 48

### **Ithemba 1 Phetro 1:13**

13. Ngakho lungiselani izingqondo zenu okungenziwa; zithibeni; bekani ithemba lenu ngokupheleleyo emuseni elizawuthola lapho uJesu Khristu esebonakalisiwe.

### **Ukuphiliswa Lukha 13:12**

12. Kwathi uJesu embona wambizela phambili wathi kuye, “Mama, usukhululwe ekugokekeni kwakho.”

### **Ukubuyiselwa Amahubo 23: 4-6**

6. Loba ngidabula esigodini sethunzi lokufa, angiyikwesaba okubi ngokuba wena ulami; intonga yakho lodondolo lwakho kuyangithokozisa. Ulungisa itafula phambi kwami emehlweni ezitha zami. Ugcoba ikhanda lami ngamafutha; inkomitsho yami igcwele iyaphuphuma. Impela okuhle lothando kuzangilandela zonke izinsuku zokuphila kwami, njalo ngizahlala endlini kaJehova kuze kube nininini.

## Usuku 49

### **Ithemba Makho 5:36**

36. Akaze akunaka lokho ababekutsho uJesu, wasetshela induna yesinagogi wathi, “Ungesabi; kholwa nje kuphela.”

### **Ukuphiliswa Isaya 38:20**

20. Akaze akunaka lokho ababekutsho uJesu, wasetshela induna yesinagogi wathi, “Ungesabi; kholwa nje kuphela.”

### **Ukubuyiselwa Imisebenzi 2:38**

38. UPhethro waphendula wathi, “Phendukani libhaphathizwe lonke, ebizweni likaJesu Khristu ukuze lithethelelwe izono zenu. Lani lizakwamukela isipho soMoya oNgcwele.

## Usuku 50

### **Ithemba Amahubo 119:114**

114. Uyisiphephelo sami lesihlangu sami; sengibeke ithemba lami elizwini lakho.

### **Ukuphiliswa 2 Amakhosi 20:5**

5. “Buyela uyetshela uHezekhiya, umkhokheli wabantu bami uthi, ‘Nanku okutshiwo nguJehova, uNkulunkulu kayihlo uDavida. Uthi: Ngiwuzwile umthandazo wakho njalo ngizibonile lezinyembezi zakho; ngizakusilisa. Ngosuku lwesithathu kusukela khathesi uzakhwela uye ethempelini likaJehova.

### **Ukubuyiselwa Johane 3:16**

16. “UNkulunkulu walithanda ilizwe waze wanikela iNdodana yakhe iyiyo yodwa ukuze kuthi loba ngubani okholwa kuyo angabhubhi kodwa abe lokuphila okungapheliyo.

## Usuku 51

### **Ithemba Amahubo 130:7**

7. We Israyeli, beka ithemba lakho kuJehova, ngoba kuye uJehova kulothando olungaphuthiyo njalo kuye kulensindiso ephелеleyo.



## Ukuphiliswa Mathewu 17: 18-20

18. UJesu walikhuza idimoni laphuma emfaneni wahle wasila kusona lesosikhathi. Abafundi basebesiza kuJesu ngasese bambuza bathi, “Kungani sehlulekile ukulixotsha idimoni na?” Waphendula wathi, “Ngokuba ukholo lwenu luncinyane. Ngilitshela iqiniso ukuthi nxa lingaba lokholo loba luluncinyane njengenhlamvu yemastadi, lingathi entabeni le, ‘Suduka lapha uye laphayana’ izasuduka. Kakukho kini okungasoze kwenzeke.”

## Ukubuyiselwa Isaya 2:2-5

1. Lokhu yikho okwabonwa ngu-Isaya indodana ka-Amozi mayelana loJuda leJerusalema: Ngezinsuku zokucina intaba yethempeli likaJehova izakuba ngelodumo phakathi kwezintaba; izaphakanyiselwa phezu kwamaqaqa njalo izizwe zonke zizabekelela zisiya kuyo. Abantu abanengi bazakuza bathi, “Wozani siye phezu kwentaba kaJehova, endlini kaNkulunkulu kaJakhobe. Uzasifundisa izindlela zakhe ukuze sihambe ezindleleni zakhe.” Umthetho uzavela eZiyoni, ilizwi likaJehova livele eJerusalema. Uzakwahlulela phakathi kwezizwe, alamule izingxabano zabantu abanengi. Bazakhanda izinkemba zabo zibe yimihlathi yamakhuba kuthi imikhonto yabo ibe zingqamu zokuthena izihlahla. Isizwe asiyikuhlomela isizwe ngezinkemba loba sifundele ukulwa izimpi futhi. Woza bo ndlu kaJakhobe, kasihambe ekukhanyeni kukaJehova.

## Usuku 52

### Ithemba UJobe 17:15

15. pho lingaphi ithemba lami na? Ngubani ongabona ithemba ngami?

### Ukuphiliswa Mathewu 12:13

13. Wasesithi kuleyondoda, “Yelula isandla sakho.” Ngakho yaselula sesisilile ngokupheleleyo, sesiqinile njengesinye.

### Ukubuyiselwa Amosi 9:13-15

13. “Izinsuku ziyeza,” kutsho uJehova, “lapho ovunayo ezaficwa ngolimayo, lohlanyelayo aficwe ngokhama amavini. Iwayini elitsha lizagobhoza ezintabeni, njalo ligeleze emaqaqeni wonke. “Ngizababuyisela emuva abantu bami bako-Israyeli abathunjwayo; bazawakha kutsha amadolobho adilikayo bahlale kuwo. Bazahlanyela izivini banathe iwayini lazo; bazakwenza izivande badle izithelo zazo. Ngizagxumeka u-Israyeli elizweni lakhe angaphindi asitshunwe futhi elizweni engimnike lona,” kutsho uJehova uNkulunkulu.

## Usuku 53

### **Ithemba Amahubo 119:116**

116. Ngisekela njengesithembiso sakho ukuze ngiphile; ithemba lami

### **Ukuphiliswa Mathewu 9.20-22**

20. Khonokho owesifazana owayehlutshwa ngumopho okweminyaka elitshumi lambili weza ngemva kwakhe wabamba umphetho wejazi lakhe. Wazitshela wathi, “Aluba nje ngingathinta ijazi lakhe kodwa lokhu, ngizasila.” UJesu wanyemukula wambona. Wathi kuye, “Mana isibindi, ndodakazi, ukukholwa kwakho sekukusilisile.” Lakanje owesifazana lowo wasila ngalesosikhathi.

### **Ukubuyiselwa.UZakhariya 10:6**

6 “Ngizayiqinisa indlu kaJuda, ngisindise indlu kaJosefa. Ngizababuyisa ngokuba ngileshawu kubo. Bazakuba sengathi kangizange ngibakhalale, ngokuba nginguJehova uNkulunkulu wabo njalo ngizabaphendula.

## Usuku 54

### **Ithemba Amahubo 119:81**

81. Umphefumulo wami uyayatha ngokulangazelela insindiso yakho, kodwa ngibekile ithemba lami elizwini lakho.

### **Ukuphiliswa 2 Imilando 30: 18-20**

18. Lanxa abantu abanengi ababevela ko-Efrayimi, ko-Manase, ko-Isakhari lakoZebhuloni babe ngakazihlambululi, kodwa badla iPhasika, okwakungekho emthethweni olotshiweyo. Kodwa uHezekhiya wabakhulekela wathi: “Kungathi uJehova, olungileyo, angathethelela bonke abamdingayo uNkulunkulu – uJehova, uNkulunkulu waboyise loba bengahlambulukanga ngokomthetho wendawo engcwele.” Lakanye uJehova wawuzwa umthandazo ka-Hezekhiya wasilisa abantu.

### **Ukubuyiselwa UHezekhiyeli 16:55**

55. Njalo odadewenu, iSodoma lamadodakazi alo kanye leSamariya lamadodakazi alo, bazabuyela kulokho ababeyikho kuqala.

## Usuku 55

### **Ithemba Thithusi 2:13**

13. Ipho sisalindele ithemba elibusisiweyo – ukubonakala ngenkazimulo kukaNkulunkulu wethu ophakemeyo longuMsindisi, uJesu Khristu

### **Ukuphiliswa Amahubo 107: 20**

20. Wathumela ilizwi lakhe labasilisa; wabahlenga engcwabeni.

### **Ukubuyiselwa UJeremiya 31:1-5**

1. “Ngalesosikhathi,” kutsho uJehova, “ngizakuba nguNkulunkulu wezizwana zonke zako-Israyeli, bona bazakuba ngabantu bami.” UJehova uthi: “Abantu abasilayo enkembeni bazathola umusa enkangala; ngizakuzanika u-Israyeli ukuphumula.” UJehova wabonakala kithi kudala esithi: “Ngikuthandile ngothando olungapheliyo; ngikuhole ngesisa esikhulu. Ngizakwakha njalo uzakwakhiwa kutsha futhi, wena Israyeli Ntombi emsulwa. Uzathatha amagedla akho futhi uphume uyegida labathokozayo. Uzalima izivini zakho futhi emaqaqeni aseSamariya; abalimi bazazilima badle izithelo zazo.

## Usuku 56

### **Ithemba Izaga 24:14**

14. Yazi njalo ukuthi ukuhlakanipha kumnandi emphefumulweni wakho, aluba ukuzuza ikusasa lakho lilethemba elihle, njalo ithemba lakho aliyikudaniswa.

### **Ukuphiliswa Dutheronomi 32:39**

39. Angithi liyazibonela ukuthi Mina ngiNguye! Kakho omunye unkulunkulu ngaphandle kwami. Ngiyabhubhisa njalo ngiyaphilisa. Ngilimazile njalo ngelaphile kakho ongakhululwa esandleni sami.

### **Ukubuyiselwa Isaya 41:17-20**

17. “Abayanga labaswelayo badinga amanzi, kodwa kawakho; izilimi zabo sezitshile ngokoma. Kodwa mina Jehova ngizabaphendula; mina, Nkulunkulu ka-Israyeli, angiyikubalahla. Ngizakwenza amanzi ageleze emiqolweni engelalutho lemithombo phakathi kwezigodi. Ngizaguqula inkangala ibe yiziziba zamanzi, lomhlabathi owomileyo ube yimithombo yamanzi. Enkangala ngizamilisa khona imisedari lemi-akhakhiya, amamitheli kanye lama-oliva. Ogwaduleni ngizamisa izihlahla zamapulanka, ndawonye lemifiri kanye lemisayiphresi, ukuze abantu babone njalo

bazi, bacabange bazwisise ukuthi isandla sikaJehova yiso esenza lokhu, lokuthi oNgcwele ka-Israyeli ukudalile.

## Usuku 57

### **Ithemba Amahubo 145:15**

15. Amehlo abo bonke akhangela kuwe, wena ubaphe ukudla kwabo ngesikhathi esifaneleyo.

### **Ukuphiliswa UJeremiya 14:19**

19. UJuda usumlahle kokuphela na? IZiyoni uyaleyisa na? Usitshayeleni kangaka size singelapheki na? Sasilindele ukuthula kodwa akulabuhle obaba khona, isikhathi sokwelatshwa kodwa kulokwesaba kuphela.

### **Ukubuyiswa Ulsaya 49:13**

13. Hlabelelani ngentokozo lina mazulu; jabula lawe mhlaba; tshayani ingoma lina zintaba. Ngoba uJehova uyabaduduza abantu bakhe njalo uzakuba lesihawu kwabahluphekayo bakhe.

## Usuku 58

### **Ithemba Thithusi 1:2**

2. ukukholwa lokwazi okweyame ethembeni lokuphila okulaphakade, okwathenjiswa nguNkulunkulu, ongaqambi manga, isikhathi singakaqalisi,

### **Ukuphiliswa Makho 8:25**

25. UJesu waphinde wabeka izandla zakhe emehlweni ayo indoda leyo. Amehlo ayo asevuleka, ukubona kwayo kwalunga, isibona zonke izinto kakuhle.

UMakho 8:25

### **Ukubuyiselwa Amanani 6:25-27**

25. uJehova kakhazimulise ubuso bakhe phezu kwenu njalo abe lomusa kini; uJehova kakhangelise ubuso bakhe kini njalo aliphe ukuthula.’” “Ngokunjalo bazabiza ibizo lami phezu kwabako-Israyeli, mina ngizababusisa.”

## Usuku59

### **Ithemba 1 KwabaseThesalonika 5:8**

8. Kodwa njengoba singabemini, kasizithibeni, sembathe ukukholwa lothando njengesihlangu sesifuba, lethemba lokusindiswa njengengowane.

### **Ukuphiliswa Lukha 4:41**

41. Phezu kwalokho, amadimoni aphuma kwabanengi ememeza esithi, “Wena uyiNdodana kaNkulunkulu!” Kodwa wawakhuza kazawavumela ukuthi akhulume ngokuba ayemazi ukuthi unguKhristu.

### **Ukubuyiselwa Isaya 49:43**

43. Amakhosi azakuba ngoyihlo bokukukhulisa, amakhosikazi awo abe ngonyoko bokukondla. Bazakhothama phambi kwakho ubuso babo buphansi emhlabathini, bazakhotha uthuli ezinyaweni zakho. Lapho-ke uzakwazi ukuthi mina nginguJehova; labo abangithembayo abayikudaniswa.”

## Usuku 60

### **Ithemba KwabaseGalathiya 5:5**

5. Kodwa ngokukholwa siholwa ngumoya silindele ithemba lokulunga ngokutshiseka.

### **Ukuphiliswa Lukha 8:48**

48. UJesu wasesithi kuye, “Ndodakazi, ukholo lwakho lukusilisile. Hamba ngokuthula.”

### **Ukubuyiselwa Amahubo 121:1-6**

1. Ngiphakamisela amehlo ami ezintabeni – usizo lwami luvela ngaphi na? Usizo lwami luvela kuJehova, uMenzi wezulu lomhlaba. Kayikuyekela unyawo lwakho lutshelele – yena okulindayo kayikuwozela; ngempela yena olinda u-Israyeli akayikuwozela, akayikulala. ilanga kaliyikukutshisa emini noma inyanga ebusuku.

## Usuku 61

### **Ithemba KwabaseEfesu 1:18**

18. Ngikhulekela njalo lokuthi amehlo ezinhliziyo zenu makakhanyiselwe ukuze lilazi ithemba alibizela kulo, inotho yelifa lakhe elimangalisayo kwabangcwele,

## Ukuphiliswa Amahubo 31:9

9. Woba lomusa kimi, O Jehova, ngokuba ngiyahlupheka; amehlo ami ayafiphala ngenxa yosizi, umphefumulo wami lomzimba wami ngokudabuka.

## Ukubuyiselwa UJeremiya 31:23-25

23. UJehova uSomandla, uNkulunkulu ka-Israyeli uthi, “Lapho ngibabuyisa bevela ekuthunjweni, abantu abaselizweni lakoJuda lasemadolobheni alo bazawasebenzisa futhi amazwi la athi, ‘UJehova akubusise wena ndawo yokuhlala elungileyo, wena ntaba engcwele.’ Abantu bazahlala ndawonye koJuda lasemadolobheni akhona wonke – abalimi kanye lalabo abazulazulayo lemihlambi yabo. Ngizaqinisa abadiniweyo ngisuthise abangelamandla.”

## Usuku 62

### Ithemba UJeremiya 31:16-17

16. Nanku akutshoyo uJehova: “Bamba ilizwi lakho ungakhali, lamehlo akho angehlisi izinyembezi ngoba umsebenzi wakho uzathola umvuzo,” kutsho uJehova. “Bazabuya bevela elizweni lesitha. Ngakho kulethemba ezinsukwini zakho ezizayo,” kutsho uJehova. “Abantwabakho bazabuyela elizweni labo.

### Ukuphiliswa Eksodusi 15:26

26: Wathi, “Uma lilalela kakuhle ilizwi likaJehova uNkulunkulu wenu, lenze okulungileyo kuye, lilandele imilayo yakhe njalo ligcine lezimemezelo zakhe, kangisoze ngilehlisele iziga lezo engazehlisele amaGibhithe; ngoba nginguJehova olisilisayo.”

### Ukubuyiselwa Thithusi 2: 11-12

11. Ngoba umusa kaNkulunkulu oletha insindiso usubonakele ebantwini bonke. Uyasifundisa ukuthi “Hayi” ekweyiseni uNkulunkulu lasezinkanukweni zasemhlabeni, njalo siphile ngokuzikhuza, ngokuqonda empilweni yokulalela uNkulunkulu ngesikhathi samanje,

## Usuku 63

### Ithemba Amahubo 146:5

5. Ubusisiwe lowo osizo lwakhe lunguNkulunkulu kaJakhobe, othemba lakhe likuJehova uNkulunkulu wakhe,

## Ukuphiliswa 2 KwabaseKorinte 1:3-4

4. Kabongwe uNkulunkulu uYise weNkosi yethu uJesu Khristu, uYise wesihawu loNkulunkulu wendunduzo yonke, osiduduzayo kuzo zonke izinhlupheko zethu, ukuze lathi siduduze abasekuhluphekeni ngenduduzo esiduduzwe ngayo nguNkulunkulu.

## Ukubuyiselwa Amahubo 40:13-17

13. Ncibilika, hawu Jehova, ungisindise; hawu Jehova, woza masinyane uzongisiza. Sengathi bonke abafuna ukuqeda impilo yami bangayangiswa basanganiswe; sengathi bonke abafisa ukungidiliza bangabuyiselwa emuva beyangekile. Sengathi bonke abathi kimi, “Hiya belo!” banganengwa lihlazo labo. Kodwa-ke sengathi bonke abakudingayo bangathokoza bajabule kuwe; sengathi labo abathanda insindiso yakho bangahlala besithi, “UJehova kadunyiswe!” Kodwa mina ngiyahlupheka, ngiyaswela; sengathi uJehova angangikhumbula. Ulusizo lwami lomkhululi wami; O Nkulunkulu wami, ungalibali.

## Usuku 64

### Ithemba Amahubo 27:13

13. Ngilokhu ngilesibindi ngalokhu: ngizakubona ukulunga kukaJehova emhlabeni wabaphilayo.

### Ukuphiliswa Imisebenzi 10:38

38. ukuthi uNkulunkulu wamgcoba kanjani uJesu waseNazaretha ngoMoya oNgcwele langamandla, lokuthi wahamba izindawana zonke esenza ubuhle njalo esilisa bonke ababesemandleni omubi, ngokuba uNkulunkulu wayelaye.

### Ukubuyiselwa UJeremiya 31: 33-34

33. “Isivumelwano engizasenza lendlu ka-Israyeli ngemva kwalesosikhathi yilesi,” kutsho uJehova. “Ngizafaka umthetho wami ezingqondweni zabo, ngiwulobe lasezinhliziyweni zabo. Ngizakuba nguNkulunkulu wabo, bona bazakuba ngabantu bami. Umuntu kasayikufundisa umakhelwana wakhe, kumbe umuntu afundise umfowabo esithi, ‘Yazi uJehova,’ ngoba bonke bazangazi, kusukela komncane wabo kusiya komkhulukazi,” kutsho uJehova. Ngoba ngizabathethelela ububi babo, ngingazikhumbuli futhi izono zabo.”

## Usuku 65

### **Ithemba Thithusi 3:7**

7. ukuze kuthi sesilungiswe ngumusa wakhe, sibe yindlalifa silethemba lokuphila okulaphakade.

### **Ukuphiliswa Lukha 13:13**

13. Wasebeka izandla zakhe phezu kwakhe, masinyane nje owesifazana watshwaphuluka waqonda wasedumisa uNkulunkulu.

### **Ukubuyiselwa UJobe 42:11-12**

11. Bonke abafowabo labodadewabo kanye lobani owayemazi ngaphambili weza ukuzakudla laye endlini yakhe. Bamkhalela, bamzwela ngakho konke ukuhlupheka uJehova ayemehlisele khona, kwathi ngulowo lalowo wamupha ulutho lwesiliva kanye lesongo legolide. UJehova wayibusisa impilo yokucina kaJobe okudlula eyokuqala. Waba lezimvu eziyizinkulungwane ezilitshumi lane, izinkulungwane eziyisithupha zamakamela, inkulungwane yezinkabi ezibotshwayo labobabhemi abayinkulungwane.

## Usuku 66.

### **Ithemba 1 Imilando 29:15**

15. Singabezizweni lezethekeli emehlweni akho, njengoba labokhokho bethu bonke babenjalo. Izinsuku zethu emhlabeni ziyafanana lesithunzi, asisilutho, kalikho ithemba.

### **Ukuphiliswa Makho 1:30-31**

31. Uninazala kaSimoni wayelele phansi ephethwe ngumkhuhlane, basebetshela uJesu ngaye. Yikho wasesiya kuye, wambamba ngesandla wamvusa. Umkhuhlane wamtshiya wahle waqalisa ukubadekela ukudla.

### **Ukubuyiselwa Isaya 61:4-7**

4. Bazavuselela njalo amanxiwa asendulo bavuse lezindawo ezadilizwa kudala. Bazavuselela amadolobho adilikayo aleminyaka eminengi adilika. Abezizwe bazakwelusa imihlambi yenu; abezizwe bazalima amasimu enu lezivini zenu. Lizabizwa ngokuthi abaphristi bakaJehova, kuzathiwa liyizikhonzi zikaNkulunkulu. Lizakudla inotho yezizwe, lizincome ngenotho yazo. Esikhundleni sehlazo labo abantu bami bazaphiwa isabelo esiphindwe kabili, njalo esikhundleni sokuyangeka bazathokoza ngelifa labo; ngakho isabelo selifa labo elizweni sizaphindwa kabili, lentokozo engapheliyo izakuba ngeyabo.



## Usuku 67

### **Ithemba AmaHebheru 10:23**

23. Kasibambeleleni ngokuqina kulo ithemba esilikholwayo, ngoba lowo owathembisayo uthembekile.

### **Ukuphiliswa Amahubo 41:1-3**

1. Ubusisiwe lowo onanza abahluphekayo; uJehova uyamkhulula ngezikhathi zokuhlupheka. UJehova uzamvikela alondolozе impilo yakhe; uzambusisa phakathi kwelizwe angamyekeli emandleni ezitha zakhe. UJehova uzamqinisa lanxa elele egula njalo amsilise avuke ekuguleni kwakhe.

### **Ukubuyiselwa Ulsaya 60:10-13**

10. “Abezizwe bazayakha futhi imiduli yakho, lamakhosi abo azakukhonza. Lanxa ekuthukutheleni kwami ngakutshaya, kodwa ngomusa wami ngizakuba lesihawu kuwe. Amasango akho azahlala evulekile; kawayikuvalwa emini loba ebusuku ukuze abantu bakulethele inotho yezizwe – amakhosi azo ekhokhelwe ludwendwe lokunqoba. Ngoba isizwe kumbe umbuso ongayikukukhonza uzatshabalala; uzachitheka uphele nya. “Udumo lwaseLebhanoni luzakuza kuwe; zonke izihlahla, ezamapulanka, umfiri lomsipresi, ukuzahlobisa indlu yami engcwele; lendawo yezinyawo zami ngizayenza ikhazimule.

## Usuku 68

### **Ithemba Izililo 3:21-23**

21. Kodwa lokhu kuyafika engqondweni ngakho ngilalo ithemba: Ngenxa yothando olukhulu lukaJehova kasibhujiswanga, ngoba isihawu sakhe asipheli. Sitsha ukusa kwamalanga; kukhulu ukuthembeka kwakho.

### **Ukuphiliswa Lukha 6:19**

19. kwathi bonke abantu bazama ukumthinta ngoba amandla ayephuma kuye ebasilisa bonke.

### **Ukubuyiselwa UJeremiya 31:20-22**

20. U-Efrayimi kasindodana yami ethandekayo, umntanami engithokoza ngaye na? Lanxa ngihlala ngikhuluma kubi ngaye ngisamkhumbula. Ngakho inhliziyo yami iyamlangazela; ngilesihawu esikhulu kuye,” kutsho uJehova. Beka izitshengiso zomgwaqo; umise lezinsika zeziqondiso. Nanzelela umgwaqo, indlela ozahamba ngayo. Buya, we Ntombi emsulwa Israyeli, buyela emadolobheni akho.

## Usuku 69

### **Ithemba Amahubo 119:49**

49. Khumbula ilizwi lakho encekwini yakho, ngoba usungiphe ithemba.

### **Ukuphiliswa Imusebenzi 3:6**

6. Khumbula ilizwi lakho encekwini yakho, ngoba usungiphe ithemba.

### **Ukubuyiselwa Amahubo 66:12**

12. Wayekela abantu bakhwela bazehlela emakhanda ethu; sedlula phakathi komlilo lamanzi, kodwa wasiletha endaweni yenala.

## Usuku 70

### **Ithemba AmaHebheru 6:18-19**

18. UNkulunkulu wenza lokhu ukuze kuthi, ngezinto ezimbili ezingaguqulekiyo uNkulunkulu angeke aqambe amanga ngazo, thina esibalekileyo sibambelele kulo ithemba esiliphiwayo sikhuthazeke kakhulu. Silethemba leli njengesikhonkwane semiphefumulo yethu, esiqinileyo njalo sigxilile. Lingena endaweni engcwele yangaphakathi ngemuva kwamakhetheni

### **Ukuphiliswa Mathewu 13:15**

15. UNkulunkulu wenza lokhu ukuze kuthi, ngezinto ezimbili ezingaguqulekiyo uNkulunkulu angeke aqambe amanga ngazo, thina esibalekileyo sibambelele kulo ithemba esiliphiwayo sikhuthazeke kakhulu. Silethemba leli njengesikhonkwane semiphefumulo yethu, esiqinileyo njalo sigxilile. Lingena endaweni engcwele yangaphakathi ngemuva kwamakhetheni

### **Ukubuyiselwa UDatgeronomi 11:18-21**

18. Gcinani amazwi ami la ezinhliziyweni zenu lasengqondweni, abopheleni njengezimpawu ezandleni zenu liwabophele emabunzini enu. Bafundiseni ngawo abantwabenu, lixoxe ngawo nxa lihlezi emakhaya enu kanye lalapho lihamba endleleni, lapho lilala phansi lanxa livuka. Wabhaleni emigubazini yezindlu zenu kanye lasemasangweni enu, ukuze kuthi izinsuku zenu kanye lezabantwabenu zande elizweni uJehova afunga ukulinika okhokho benu, kuze kube nini nxa umkhathi ulokhu ukhona ngaphezu komhlaba.

## Usuku 71

### **Ithemba KwabaseRoma 5:5**

5. Njalo ithemba kalisidanisi, ngoba uNkulunkulu usethululele uthando lwakhe ezinhliziyweni zethu ngoMoya oNgewele, asinike yena.

### **Ukuphiliswa Umtshumayeli 3:1-3**

3. Zonke izinto zilesikhathi sazo, konke okwenziwayo ngaphansi kwelanga kulesibanga sakho: isikhathi sokuzalwa lesikhathi sokufa, isikhathi sokuhlanyela lesikhathi sokusiphuna, isikhathi sokubulala lesikhathi sokuphilisa, isikhathi sokubhidliza lesikhathi sokwakha,

### **Ukubuyiselwa Amahubo 80:17-19**

17. Yeyamisa isandla sakho emuntwini ongakwesokunene kwakho, indodana yomuntu ozondlele yona. Yikho asiyikukufulathela, sivuselele, ukuze sibize ibizo lakho. Sivuselele, O Jehova Nkulunkulu Somandla; khanyisa ubuso bakho kithi, ukuze sisindiswe.

## Usuku 72

### **Ithemba UJobe 8:13**

13. Sinjalo isiphetho sabo bonke abakhohlwa uNkulunkulu; litshabalala kanjalo ithemba lalowo ongakholwayo.

### **Ukuphiliswa UJobe 5:17-18**

17. “Ubusisiwe umuntu oqondiswa nguNkulunkulu; ngakho ungaseyisi isijeziso sikaSomandla. Ngokuba uyagwaza, kodwa aphinde abophe amanxeba; uyalimaza kodwa izandla zakhe njalo ziyapholisa.

### **Ukubuyiselwa Amahubo 69:35-36**

35. ngokuba uNkulunkulu uzayisindisa iZiyoni ayakhe kutsha imizi yakoJuda. Yikhona-ke abantu bazakwakha khona balithathe libe ngelabo; abantwana bezinceku zayo lizakuba yilifa labo, labalithandayo ibizo lakhe bazahlala khona.

## Usuku 73

### **Ithemba KwabaseRoma 4:18**

18. Kungekho themba, u-Abhrahama ngethemba wakholwa ngalokho waba nguyise wezizwe ezinengi, njengoba kwakutshiwo kuye ukuthi, “Izakuba njalo inzalo yakho.”

### **Ukuphiliswa 2 Imilando 7:14**

14. nxa abantu bami, ababizwa ngebizo lami, bezazithoba bakhuleke badinge ubuso bami njalo batshiye izindlela zabo ezimbi, kulapho ngizakuzwa khona ngisezulwini ngithethelele izono zabo njalo ngiphephise ilizwe labo.

### **Ukubuyiselwa UZekhariya 14:11**

11. Kuzakuba yindawo ehlala abantu, kayisayikuphinde njalo ibhidlizwe lanini. IJerusalema izahlala ivikelekile.

## Usuku 74

### **Ithemba Ku maHebheru 6:11**

11. Sifuna omunye lomunye wenu abonakalise ukukhuthala lokhu kuze kube sekupheleni, ukuze ithemba lenu liqiniseke.

### **Ukuphiliswa UEksodusi 23:25**

25. Mkhonzeni uJehova uNkulunkulu wenu, kuzakuthi isibusiso sakhe sibe phezu kokudla laphezu kwamanzi enu. Ngizasusa imikhuhlane phakathi kwenu,

### **Ukubuyiselwa UMikha 7:19-20**

19. Uzakuba lesihawu kithi futhi; uzanyathela izono zethu ngezinyawo uphosele bonke ububi bethu ezinzikini zolwandle. Uzakuba qotho kuJakhobe, ubonakalise isihawu sakho ku-Abhrahama, njengokuthembisa kwakho ngesifungo kubokhokho bethu ezinsukwini zasendulo.

## Usuku 75

### **Ithemba UJeremiya 17:17**

17. Ungabi ngowesabekayo kimi; uyisiphephelo sami ngosuku lokuhlupheka.

## Ukuphiliswa Amahubo 119:107

107. Sengihlupheke kakhulu; londoloza impilo yami, O Jehova, njengokutshiwo yilizwi lakho.

## Ukubuyiselwa 2AmaKhosi 8:1-4

1. U-Elisha wayetshela umfazi olomntwana ayemvuse ekufeni wathi, “Suka uhambe labendlu yakho uyehlala lapha ongathuthela khona okwesikhatshana, ngoba uJehova uzaletsa indlala elizweni ezathatha iminyaka eyisikhombisa.” Owesifazana lowo wakwenza lokho njengokulaywa kwakhe ngumuntu kaNkulunkulu. Yena kanye labendlu yakhe basuka bayahlala elizweni lamaFilisti okweminyaka eyisikhombisa. Ekupheleni kweminyaka eyisikhombisa wasuka elizweni lamaFilisti waya enkosini yakibo wayacela indawo yomuzi kanye lamasimu akhe. Inkosi yayikhuluma loGehazi, isisebenzi somuntu kaNkulunkulu, yathi, “Ake ungixoxele ngezimanga ezinkulu esezike zenziwa ngu-Elisha.”

## Usuku 76

### Ithemba Amahubo 119:74

74. Sengathi labo abakwesabayo bangathokoza nxa bengibona, ngoba sengibeke ithemba lami elizwini lakho.

## Ukuphiliswa 2 AmaKhosi 8: 5-6

5. Uthe uGehazi esathi uyalandisela inkosi ngokuthi u-Elisha waphilisa njani abafileyo, owesifazana ondodana yakhe yasiliswa ngu-Elisha wafika ezocela ukubuyela emzini wakhe lokulima amasimu akhe. UGehazi wathi, “Nguyenalo owesifazana, nkosi yami, nansi lendodana yakhe, eyiyo eyavuswa kwabafileyo ngu-Elisha.” Inkosi yambuza ngalokhu umama lowo, lakanye wakufakaza lokho. Inkosi yasikhetha esinye sezikhulu zayo ukuba sikhangele izikhalazo zowesifazana yaqonqosela yathi, “Uze umbuyisele konke okwakungokwakhe, lenzuzo yonke eyasala izuzakala emasimini akhe kusukela mhla asuka kulelizwe kuze kube sekuphendukeni kwakhe lamuhla.”

## Usuku 77

### Ithemba 1 Timothy 4:9-10

9. Lesi yisitsho esiqotho okumele samukelwe ngokupheleleyo (njalo lokhu siyakusebenzela sikutshikatshikele), ukuba ithemba lethu silibeke kuNkulunkulu ophilayo, onguMsindisi wabantu bonke, ikakhulu owalabo abakhulwayo.

## Ukuphiliswa Mathewu 14:13-14

13. UJesu wathi ekuzwa lokho okwenzakalayo wathi nyelele ngesikepe waya endaweni engelabantu. Abantu bezwa ngakho bamlandela ngezinyawo besuka emadolobheni. Ekukhuphukeni kwakhe uJesu wabona ixuku labantu elikhulu wabazwela usizi ngakho wasesilisa abagulayo babo.

## Ukubuyiselwa UHezekeli 34:25-27

27. “Ngizakwenza isivumelwano sokuthula lazo njalo ngixotshe izilo zeganga elizweni ukuze ziyehlala enkangala kuthi izimvu zihlale emahlathini zigcinakale. Ngizazibusisa kanye lezindawo ezihanqe intaba yami. Ngizakwehlisa imikhizo ngesikhathi sayo; kuzakuba lemikhizo yesibusiso. Izihlahla zeganga zizathela izithelo zazo njalo lomhlabathi uzathela izilimo zawo; abantu bazahlaliseka elizweni labo. Bazakwazi ukuthi mina nginguJehova, lapho sengisephula imigoqo yejogwe labo njalo ngibahlenga ezandleni zalabo ababenza izigqili.

## Usuku 78

### Ithemba KwabaseKholose 1:5

5. Ukukholwa lothando okuvela ethembeni eligcinelwe lina ezulwini, eselezwa ngalo elizwini leqiniso,

### Ukuphiliswa UHezekeli 34:16

16. Ngizadinga ezilahlekileyo ngingqande eziphambukileyo. Ngizabopha ezilimeleyo ngiqinise ezibuthakathaka. Ezinonileyo leziqinileyo ngizazibulala. Umhlambi ngizawelusa ngokulunga.

### Ukubuyiselwa UHezekeli 34:28-31

28. Kabayikuphangwa yizizwe futhi, lezinyamazana zeganga kaziyikubadla. Bazahlala ngokuvikeleka, njalo kakho ozabenza besabe. Ngizabanika ilizwe elidumileyo ngezilimo zalo, njalo kabayikuhlutshwa yindlala futhi elizweni loba bathwale isigcono sezizwe. Lapho-ke bazakwazi ukuthi mina, uJehova uNkulunkulu wabo, ngilabo kanye lokuthi bona, indlu ka-Israyeli, bangabantu bami, kutsho uJehova Wobukhosi. Lina zimvu zami, zimvu zedlelo lami, lingabantu bami, njalo mina nginguNkulunkulu wenu, kutsho uJehova Wobukhosi.’”

## Usuku 79

### **Ithemba 1 Phetro 1:21**

21. Ngaye liyakholwa kuNkulunkulu, owamvusa kwabafileyo wamnika inkazimulo, ngakho ukukholwa kwenu lethemba kukuNkulunkulu.

### **Ukuphiliswa 2 AmaKhosi 5:6**

6. Incwadi ahamba layo enkosini yako-Israyeli yayisithi: “Ngalincwadi ngikuthumela inceku yami uNamani ukuba uzomelapha ubulephero bakhe.”

### **Ukubuyiselwa Amahubo 13:3-5**

3. Ngizwela ungiphendule, O Jehova Nkulunkulu wami. Khanyisela amehlo ami funa ngihle ngilale kokuphela; isitha sami sizakuthi, “Sengimehlule,” labangizondayo bathokoze nxa ngisiwa. Kodwa ngiyalwethemba uthando lwakho olungapheliyo; inhliziyo yami iyathokoza ngensindiso yakho.

## Usuku 80

### **Ithemba 2 KwabaseThesalonika 2:16-17**

16. Sengathi iNkosi yethu uJesu Khristu uqobo kanye loNkulunkulu uBaba, owasithandayo kwathi ngomusa wakhe wasinika isikhuthazo esingapheliyo lethemba elihle, angalikhuthaza aliqinise kuzo zonke izenzo ezinhle lasemazwini amahle.

### **Ukuphiliswa Mathewu 9: 27-30**

27. Kwathi uJesu esuka lapho amadoda ayiziphofu amabili amlandela ememeza esithi, “Sihawukele, Ndodana kaDavidal!” Esengenile endlini iziphofu lezo zeza kuye wazibuza wathi, “Liyakholwa na ukuthi ngingakwenza lokhu?” “Yebo, Nkosi,” bamphendula. Wasezithinta amehlo wathi kuzo, “Kuzakwenziwa kini njengokukholwa kwenu;” basiliswa babona. UJesu wabaqonqosela wathi, “Akungabi lomuntu ozakwazi ngalokhu

### **Ukubuyiselwa Lukha 7:5**

5. ngokuba iyasithanda isizwe sakithi njalo yiyo eyakha isinagogi yethu.”

## Usuku 81

### **Ithemba Amahubo 119:166**

166. Ngiyilindele insindiso yakho, O Jehova njalo ngiyayilandela imilayo yakho.

## Ukuphiliswa Izililo 2:13

13. Kambe ngingathini kuwe na? Ngingakulinganisa lani, we Ndodakazi yaseJerusalema? Kambe ngingakufanisa lani ukuze ngikududuze, wena Ndodakazi eMsulwa yaseZiyoni? Inxeba lakho liyatshona njengolwandle. Ngubani ongakwelapha na?

## Ukubuyiswa UHezekheli 36:33-36

33. “Nanku okutshiwo nguJehova Wobukhosi: Ngosuku engizakuhlambulula ngalo ezonweni zakho zonke, ngizahlalisa abantu emadolobheni akho, njalo lamanxiwa azavuselelwa. Ilizwe eliphundlekileyo lizalinywa kulokuthi lihlale liphundlekile emehlweni abo bonke abadabula phakathi kwalo. Bazakuthi, “Ilizwe leli elaselenziwe laba lugwadule selibe njengesivande sase-Edeni; amadolobho ayesengamanxiwa, ephundlekile njalo echithekile, khathesi asevikelwe ngezinqaba njalo sekuhlala abantu kuwo.” Lapho-ke izizwe ezilihanqileyo eziseleyo zizakwazi ukuthi mina uJehova sengikwakhe kutsha okwakudiliziwe njalo sengikuhlanye kutsha okwakuphundlekile. Mina uJehova sengikhulumile njalo ngizakwenza lokhu.’

## Usuku 82

### Ithemba KumaHebheru 3:6

6. Kodwa uKhristu uthembekile njengendodana endlini kaNkulunkulu. Njalo thina siyindlu yakhe uma sibambelela kuso isibindi sethu lethemba lokhu esizincoma ngakho.

### Ukuphiliswa 1 KwabaseKorinte 12:9

9. omunye uphiwa ukukholwa ngoMoya munye lowo, omunye uphiwa izipho zokusilisa ngawona lowo uMoya munye,

### Ukubuyiselwa ISamuyeli 30: 18-19

18. UDavida wakuthatha njalo konke okwakuthunjwe ngama-Amaleki kanye labomkakhe ababili. Akukho lutho olwaswelakalayo: omutsha kumbe omdala, umfana kumbe inkazana, impango kumbe olunye nje ulutho ababeluthethe. UDavida wabuyisa konke.



## Usuku 83

### **Ithemba Amahubo 42:11**

11. Kungani wephukile na, hawu mphefumulo wami? Kungani udungekile kanje ngaphakathi kwami? Beka ithemba lakho kuNkulunkulu, ngokuba ngisezakumdumisa, uMsindisi wami loNkulunkulu wami.

### **Ukuphiliswa Imisebenzi 5:15-16**

15. Kwathi ngenxa yalokho abantu baletha abagulayo ezitaladini babalalisa emibhedeni lemacansini ukuze kuthi nje isithunzi kodwa sikaPhethro sisithe abanye babo lapho esedlula. Amaxuku abantu abuthana eqhamuka emizini eyayiseduze kweJerusalema, beletha abagulayo babo lalabo ababehlukuluzwa yimimoya emibi, kwathi bonke basiliswa.

### **Ukubuyiselwa 2 KwabaseKorinte 5:18-19**

18. Konke lokhu kuvela kuNkulunkulu owasibuyisela kuye ngoKhristu wasinika imfundiso yokubuyisana: ukuthi uNkulunkulu wayebuyisa umhlaba kuye ngoKhristu, abantu engababaleli izono zabo. Njalo usesinike ilizwi lokubuyisana.

## Usuku 84

### **Ithemba 1 KwabaseThesalonika 1:3**

3. Siyawukhumbula kokuphela phambi kuka-Nkulunkulu wethu uBaba umsebenzi wenu ongenxa yokukholwa, lokusebenza kwenu okufuqwa luthando, kanye lokubekezela kwenu okufunzelelwa yikuthemba eNkosini uJesu Khristu.

### **Ukuphiliswa Imisebenzi 9:34**

34. Uphethro wathi kuye, “Eniya, uJesu Khristu uyakusilisa. Vuka uthathe icansi lakho.” Masinyane u-Eniya wasukuma.

### **Ukubuyiselwa UHezekheli 37:26-28**

26. Ngizakwenza isivumelwano sokuthula labo; sizakuba yisivumelwano esingayikuphela. Indawo yami yokuhlala izakuba kubo; ngizakuba nguNkulunkulu wabo, njalo bona bazakuba ngabantu bami. Laphoke izizwe zizakwazi ukuthi mina uJehova ngenxa u-Israyeli abe ngcwele, nxa indlu yami engcwele iphakathi kwabo nini lanini.’”

## Usuku 85

### **Ithemba KwabaseEfesu 2:12-13**

12. khumbulani ukuthi ngalesosikhathi lahleluka loKhristu, lingabalelwa enzalweni yako-Israyeli njalo lingabezizweni kusivumelwano sesithembiso, lingelathemba njalo lingelaye uNkulunkulu emhlabeni. Kodwa khathesi kuKhristu uJesu lina elake laba khatshana le selisondezwe eduzane ngegazi likaKhristu.

### **Ukuphiliswa Makho 3:9-10**

9. Ngenxa yobunengi babantu watshela abafundi bakhe ukuba bamlungisele isikepe esincane ukuze angaminyezelwa ngabantu. Phela wayesesilise abanengi, yikho labo ababelezifo babeminyezela befuna ukumthinta.

### **Ukubuyiselwa Amahubo 78:53-55**

53. Wabakhokhela ngonanzelelo, ngakho babengesabi; kodwa ulwandle lwazigubuzela izitha zabo. Kanjalo wabaletha emngceleni welizwe lakhe elingcwele, elizweni lamaqaqa ayelithethe ngesandla sakhe sokunene. Wazixotsha izizwe phambi kwabo wabahlukanisela ilizwe lazo laba yilifa; wahlalisa izizwana zako-Israyeli emizini yazo.

## Usuku 86

### **Ithemba Imisebenzi 4:13**

13. Bathi ngokubona isibindi sikaPhethro loJohane njalo benanzelela ukuthi ngabantu makhaza ababengafundanga, batsha amathe, bakunanzelela ukuthi amadoda la ake aphila loJesu.

### **Ukuphiliswa Lukha 7:7**

7. Yikho okwenze ukuthi ngingazake nginakane ukuthi ngize kuwe. Kodwa tshono ilizwi nje, inceku yami izasila.

### **Ukubuyiselwa UJoshuwa 24:13**

13. Ngakho ngalinika ilizwe elingazanga liliginqele lamadolobho elingazange liwakhe; njalo lihlala phakathi kwawo njalo lisidla ezivinini lemi-oliva elingayihlanyelanga.'

## Usuku 87

### **Ithemba Amahubo 25:5**

5. ngikhokhela eqinisweni lakho ungifundise ngokuba unguNkulunkulu uMsindisi wami, lethemba lami likuwe izinsuku zonke.

### **Ukuphiliswa Imisebenzi 28:8-9**

8. Uyise wayegula elele phansi ephethwe luqhuqho lesihudo. UPhawuli wayambona, kwathi esekhulekile, wambeka izandla wamsilisa. Basidumisa ngeziphho ezinengi, kwasekusithi sesilungela ukuwela basilungisela umphako owaneleyo.

### **Ukubuyiselwa UJobe 33:26**

26. Uyakhuleka kuNkulunkulu amthokozele, abubone ubuso bukaNkulunkulu amemeze ngentokozo; uyabuyiselwa nguNkulunkulu esimeni sakhe sokulunga.

## Usuku 88

### **Ithemba KwabaseKholose 1:23**

23. uma liqhubeka ngokukholwa kwenu, ligxile njalo liqinile, lingasuki ethembeni eliliphiwa ngevangeli. Leli yilo ivangeli elalizwayo eselitshunyayelwe kuzo zonke izidalwa ngaphansi kwezulu, mina Phawuli esengibe yinceku yalo.

### **Ukuphiliswa Lukha 14:4**

4. Kodwa bathula. Yikho waseyibamba indoda leyo wayisilisa wathi kayihambe.

### **Ukubuyiselwa Isaya 51:1-3**

1. “Lalelani kimi lina elilandela ukulunga lidinga loJehova: Khangelani edwaleni elacezulwa kulo lasegodini lamatshe elambiwa kulo; khangelani ku-Abhrahama, uyihlo, lakuSara owalizalayo. Ekumbizeni kwami wayemunye, ngambusisa ngamandisa. Ngeqiniso uJehova uzaduduza iZiyoni abe lesihawu kuwo wonke amanxiwa alo; uzakwenza izinkangala zalo zibe njenge-Edeni, amazwe alo alugwadule afane lesivande sikaJehova. Ukuthaba lentokozo kuzafunyanwa kulo, kanye lokubonga lelizwi lokuhlabela.

## Usuku 89

### **Ithemba KwabaseFiliphi 1:20**

20. Ngokutshiseka ngilindele njalo ngithemba ukuba angiyikuyangeka langayiphi indlela, kodwa ngizakuba lesibindi esaneleyo ukuze kuthi khathesi njengenjwayelo uKhristu uzaphakanyiswa kimi, loba ngokuphila kumbe ngokufa.

### **Ukuphiliswa Lukha 5:17**

17. Ngelinye ilanga elokhu efundisa, kwakuhlezi khonapho abaFarisi labafundisi bomthetho ababephuma emizini yonke yaseGalile abanye bevela eJudiya laseJerusalema. Amandla eNkosi ayekhona kuye ukuze asilise abagulayo.

### **Ukubuyiselwa KwabaseRoma 8:28-30**

28. Njalo siyakwazi ukuthi ezintweni zonke uNkulunkulu usebenzela okuhle kwalabo abamthandayo, ababizwe ngokwenjongo yakhe. Ngoba labo uNkulunkulu abazi ngaphambili wabamisela ukuba babe lesimo esifana leseNdodana yakhe, ukuze ibe lizibulo phakathi kwabazalwane abanengi. Labo abamiselayo, wababiza; labo ababizayo, wabenza balunga; labo abenza balunga, wabanika inkazimulo.

## Usuku 90

### **Ithemba KwabaseEfesu 4:4**

4. Kulomzimba munye loMoya munye –njengalokhu labizelwa ethembeni linye ekubizweni kwenu –

### **Ukuphiliswa Amahubo 30:2**

2. Awu Jehova, Nkulunkulu wami, ngacela kuwe uncedo wangisilisa.

### **Ukubuyiselwa UJohane 4:24-22**

24. UNkulunkulu ungumoya, labo abamkhonzayo bamele bamkhonze ngomoya langeqiniso.” Umfazi wathi, “Ngiyakwazi ukuthi uMesiya (othiwa nguKhristu) uyeza. Esefikile uzasichazela konke.” UJesu wasesithi, “Mina engikhuluma lawe nginguye.”

## Usuku 91

### Ithemba UJoweli 3:16

16. UJehova uzavungama eseZiyoni aphinde akhwaze eseJerusalema; umhlaba lomkhathi kuzagedezela. Kodwa uJehova uzakuba yisiphephelo sabantu bakhe, inqaba yabantu bako-Israyeli.

### Ukuphiliswa Isaya 19:22

22. UJehova uzatshaya iGibhithe ngesifo; uzabatshaya aphinde abasilise. Bazaphendukela kuJehova, njalo uzakuzwa imikhuleko yabo abasilise.

### Ukubuyiselwa UHoseya 14: 4-7

4. “Ngizakwelapha ubuphakaphaka babo ngibathande ngokukhululeka, ngoba ukuthukuthela kwami sekusukile kubo. Ngizakuba njengamazolo ku-Israyeli; uzaqhakaza njengeluba. Uzatshonisa izimpande zakhe phansi njengomsedari waseLebhanoni; amahlumela akhe amatsha azakhula. Ubuhle bakhe buzakuba njengesihlahla se-oliva, iphunga lakhe libe njengomsedari waseLebhanoni. Abantu bazahlala njalo emthunzini wakhe. Uzakhula kuhle njengamabele. Uzaqhakaza njengevini, lodumo lwakhe luzakuba njengolwewayini laseLebhanoni.

## Usuku 92

### Ithemba KwabaseKhorinte 4:1

1. Ngakho, njengoba ngomusa kaNkulunkulu silale imfundiso kasiphelelwa lithemba.

### Ukuphiliswa UJohane 4:47

47. Kwathi indoda leyo isizwile ukuthi uJesu wayesefikile eGalile evela eJudiya yaya kuye yamncenga ukuthi eze azosilisa indodana yayo eyase ilengela ekufeni.

### Ukubuyiselwa Isaya 1:25-26

25. Ngizaphakamisela isandla sami kini; ngizawahlambulula ngokupheleleyo amanye enu, ngisuse lakho konke ukungcola kwenu. Ngizabuyisa abehluleli benu njengezinsukwini zakudala labeluleki benu njengasekuqaleni. Muva uzabizwa ngokuthi iDolobho Lokulunga, iDolobho Elithembekileyo.”

## Usuku 93

### Ithemba UHabakhuki 3:17-19

17. Lanxa isihlahla somkhiwa singanunkuli lamavini engekho emivinini; lanxa ama-oliva engathelanga, lamasimu engabanga lokudla, lanxa kungelazimvu esibayeni lenkomo zingekho ezitebeleni, kodwa ngizathokoza kuJehova, ngizajabula kuJehova uMsindisi wami. UJehova Wobukhosi ungamandla ami; wenza izinyawo zami zibe njengezempala, ungenza ngihambe ezindaweni eziphakemeyo. Ngeyomqondisi womculo.

### Ukuphiliswa Amahubo 119:92-93

92. Aluba umthetho wakho ubungesiyo injabulo yami ngabe ngabhubha ngiphakathi kokuhlupheka kwami. Kangisoze ngafa ngayilibala imithetho yakho, ngoba ngayo uyilondolozile impilo yami.

### Ukubuyiselwa UJobe 8:6

6. nxa umsulwa uqondile, lamanje nje uzaphakama akusize akubuyisele esimeni sakho.

## Usuku 94

### Ithemba 1 Thimothi 1:1

1. UPhawuli, umphostoli kaKhristu uJesu ngomlayo kaNkulunkulu uMsindisi wethu lokaKhristu uJesu ithemba lethu,

### Ukuphiliswa Imisebenzi 9: 40-41

40. UPhethro wabakhupha bonke endlini; waseguqa ngamadolo wakhuleka. Wasephendukela kowesifazana wathi kuye, “Thabitha, vuka!” Owesifazana wasevula amehlo akhe, wathi ebona uPhethro wahlala. Wambamba ngesandla wamsukumisa. Wasebiza amakholwa labafelokazi wamethula kubo esephila.

### Ukubuyiselwa KumaHebheru 1:1-5

1. Kudala uNkulunkulu wakhuluma kubokhokho ngabaphrofethi ezikhathini ezinengi langezindlela ezehlukeneyo, kodwa ngalezizinsuku zokucina ukhulume kithi ngeNdodana yakhe, ayibeka ukuba yindlalifa yezinto zonke, yona adala ngayo izulu lomhlaba. INdodana iyikubenyezela kwenkazimulo kaNkulunkulu kanye lesifanekiso uqobo sokuba nguyeye kwakhe, iqinisa izinto zonke ngelizwi layo elilamandla. Emva kokuba isidlinzekele ukuhlanjululwa kwezono, yahlala phansi ngakwesokudla sobuKhosi ezulwini. Ngakho yaba ngaphezu kwezingilosi ngoba ibizo

eyalithola njengelifa lilikhulu kulelazo. Ngoba kukuyiphi ingilosi uNkulunkulu ake wathi kuyo, “Wena uyiNdodana yami; lamhla sengibe nguYihlo”? Kumbe njalo wathi, “Ngizakuba nguYise, yona izakuba yiNdodana yami”?

## Usuku 95

### **Ithemba Imisebenzi 23:6**

6. UPhawuli wayesazi ukuthi abanye babo babe ngabaSadusi, abanye bengabaFarisi wasememeza phakathi kweSanihedrini wathi, “Bazalwane, mina ngingumFarisi, indodana yomFarisi. Ngithoniselwa ukuthi ngilethemba ekuvukeni kwabafileyo.”

### **Ukuphiliswa 34:20**

20. Uyawavikela wonke amathambo akhe, kungephuki loba lalinye.

### **Ukubuyiselwa Isaya 11:6-9**

6. Impisi izahlala lezinyane lemvu, ingwe izalala phansi lembuzi, ithole kanye lesilwane kanye lenkonyane elilomnyaka owodwa kudle ndawonye, umntwana omncane akukhokhele. Inkomokazi izakudla lebhene, amankonyane akho alale ndawonye; njalo isilwane sizakudla utshani njengenkabi. Usane luzadlalela phansi komlindi webululu, umntwana omncane angenise isandla sakhe emlonyeni womlindi wenhlangwana. Abayikulimaza loba badilize kuyo yonke intaba yami engcwele ngoba umhlaba uzakuba usugcwele ulwazi lukaJehova njengamanzi egcwele ulwandle.

## Usuku 96

### **Ithemba Izaga 14:32**

32. Impisi izahlala lezinyane lemvu, ingwe izalala phansi lembuzi, ithole kanye lesilwane kanye lenkonyane elilomnyaka owodwa kudle ndawonye, umntwana omncane akukhokhele. Inkomokazi izakudla lebhene, amankonyane akho alale ndawonye; njalo isilwane sizakudla utshani njengenkabi. Usane luzadlalela phansi komlindi webululu, umntwana omncane angenise isandla sakhe emlonyeni womlindi wenhlangwana. Abayikulimaza loba badilize kuyo yonke intaba yami engcwele ngoba umhlaba uzakuba usugcwele ulwazi lukaJehova njengamanzi egcwele ulwandle.

### **Ukuphiliswa Mathewu 15: 29-31**

29. UJesu wasuka lapho wehla egudlana loLwandle lwaseGalile. Wasekhwela entabeni wahlala phansi. Kweza kuye amaxuku amakhulu abantu beletha abaqhugezayo, iziphofu, izigoga, izimungulu labanye abanengi bababeka phambi

kwakhe; wabasilisa. Abantu bamangala ukubona izimungulu sezikhuluma, izigoga seziphila, abaqhugezayo sebezihambela leziphofu sezibona. Bamdumisa uNkulunkulu ka-Israyeli.

## Ukubuyiselwa Amahubo 45:10-15

10. Lalela, ndodakazi, nanzelela uvule indlebe; khohlwa abakini, lendlu yakwenu. Inkosi iyaphelelwa ngobuhle bakho; yihloniphe, ngoba iyinkosi yakho. Indodakazi yaseThire izakuza lesipho, amadoda anothileyo azazincengela kuwe. Ngaphakathi exhibeni layo inkosazana yibucwazicwazi; isambatho sayo sicecisiwe ngegolide. Isiwa enkosini yembethe izivunulo ezelukiweyo; abakhaphi bayo bayayilandela balethwe kuwe. Bangeniswa lapho ngentokozo lenjabulo; bangena esigodlweni senkosi.

## Usuku 97

### Ithemba KwabaseThesalonika 4:13

13. Bazalwane, kasifuni ukuba libe ngabangaziyo ngalabo abalalayo loba lidabuke njengabanye abantu, abangelalo ithemba.

### Ukuphiliswa Mathewu 28:6-7

6. Kakho lapha; usevukile njengoba watsho. Wozani libone indawo abelele kuyo. Selizahamba masinyane liyotshela abafundi bakhe lithi: 'Usevukile kwabafuleyo, usehamba phambi kwenu ukuya eGalile. Kulapho elizambona khona. Mina sengilitshelile manje.'

### Ukubuyiselwa UEzra 3:1-5

1. Kwathi sekufika inyanga yesikhombisa, lapho abako-Israyeli sebehlezi emizini yakibo, abantu babuthana njengomuntu munye eJerusalema. Kwasekusithi uJeshuwa indodana kaJozadaki labaphristi ayesebenza labo kanye loZerubhabheli indodana kaShilithiyeli labakhula bakhe baqalisa ukwakha i-alithare likaNkulunkulu ka-Israyeli ukwenza umhlatshelelo womnikelo wokutshiswa kulo, mayelana lalokho okulotshiweyo eMthethweni kaMosi umuntu kaNkulunkulu. Lokuba babesesaba abantu bendawo, balakha i-alithare esisekelweni salo benza imihlatshelo yokutshiswa kuJehova kulo, yomibili imihlatshelo yokusa lowokuhlwa. Kwathi njalo belandela okulotshiweyo bawugubha uMkhosi weZihonqo besenza inani elifaneleyo leminikelo yokutshiswa elungiselwe lelo lalelo ilanga. Ngemuva kwalokho baletha iminikelo yenjayelo eyokutshiswa, imihlatshelo yokuThwasa kwe-Nyanga lemihlatshelelo yayo yonke imikhosi kaJehova emisiweyo engcwele, kanye laleyo eyayilethwa njengeminikelo yokuzizwela eyalethwa kuJehova.



## Usuku 98

### **Ithemba Amahubo 94:18-19**

18. Lapho ngasengisithi, “Unyawo lwami selutshelela,” uthando lwakho, O Jehova, lwangisekela. Nxa ukunqineka kwase kungikhulela, induduzo yakho yalettha intokozo emphefumulweni wami.

### **Ukuphiliswa. Imisebenzi 9:17-18**

17.U-Ananiya wasehamba esiya kuleyondlu wangena. Wabeka izandla zakhe phezu kukaSawuli wathi, “Mzalwane, Sawuli, iNkosi – uJesu, owabonakala kuwe endleleni usiza lapha ungithumile ukuze ukwazi ukubona njalo futhi ugwaliswe ngoMoya oNgcwele.” Masinyane, kwakhithika emehlweni kaSawuli okwakungathi zinkwethu, wasebona njalo. Wasukuma wabhaphathizwa

### **Ukubuyiselwa UAmosi 9:11-12**

11.“Ngalolosuku ngizavusa ithente likaDavida elawayo. Ngizavala izikhala zalo, ngivuselele okwadilikayo kwalo, ngilakhe njengelaliyikho khona, ukuze bathathe insalela ye-Edomi kanye lezizwe zonke ezizabizwa ngebizo lami,” kutsho uJehova, ozazenza lezizinto.

## Usuku 99

### **Ithemba KwabaseKholose 1:27**

27. UNkulunkulu wathanda ukubazisa phakathi kwabezizweni inotho emangalisayo yemfihlakalo le, enguKhristu phakathi kwenu, ithemba lenkazimulo.

### **Ukuphiliswa Amahubo 6:3-4**

6.Umoya wami udabukile. Koze kube nini, O Jehova, koze kube nini? Phenduka, O Jehova, ungikhulule; ngihlenga ngenxa yothando lwakho olungehlulekiyo.

### **Ukubuyiselwa Amahubo 86:4-7**

4.Letha ukuthokoza encekwini yakho, ngokuba kuwe, O Jehova, ngiphakamisela umphefumulo wami. Uyathethelela njalo ulungile, O Jehova, ugwele uthando kulabo abakhuleka kuwe. Zwana umkhuleko wami, O Jehova; lalela ukukhala kwami ngicela umusa. Mhla ngiphakathi kokuhlupheka ngizakhala kuwe, ngokuba uzangiphendula.

## Usuku 100

### **Ithemba Isaya 55:10-11**

10. Njengoba izulu longqoqwane kusehla kuvela phezulu, kungaphindi kubuyele khonale kungathambisanga umhlaba kuwenze ununkule ube lamahlumela, ukuze unike umhlanyeli inhlanyelo, lodlayo umnike ukudla, linjalo lelizwi lami eliphuma emlonyeni wami: kaliyikubuya kimi lize, kodwa lizafeza engikufunayo liphumelelise lokho engilithume khona.

### **Ukuphiliswa Mathewu 14:34-35**

34. Bathi sebekhuphukile bachaphela eGenesaretha. Kwathi abantu bakuleyondawo sebemnanzelele uJesu bathumela ilizwi kuwo wonke ummango wakulelo. Abantu babaletsa bonke abagulayo babo kuye

### **Ukubuyiselwa Joshuwa 21:43-45**

43. Ngakho uJehova wanika u-Israyeli wonke umhlaba ayefunge ukuwunika okhokho bakhe bawuthatha basebesakha khonapho. UJehova wabapha ukuphumula kunhlangothi zonke, njengokufunga ayekwenze kubokhokho babo. Akulasitha lesisodwa esenelisa ukumelana labo; uJehova wanikela zonke izitha zabo kubo. Asikho lesisodwa sazo zonke izithembiso ezinhle zikaJehova endlini ka-Israyeli esehlulekayo; zonke zagcwaliseka.